

Don Pincho

Diamars, 19 mei 2015
● Seafood chowder
● Mochi fresco
● Fillet di pisca
● Hawaiian Chicken
Special: f 9.75 + f 14.50
☎ 585-8459

Rowigini's Plaza, St. Cruz



Diamars Mei 19 2015 - Edicion-8 Vol.194893 Sta.Cruz #110
Tel: 585-9500 Fax:585-0951 - E-mail: solodipueblo@gmail.com

1.50

Urataca Center

Diamars 19 di Mei 2015:
Aroz Con Pollo, Galiña, Batata
& Banana
Fl. 10
Tel: 585-5212



OTMAR ODUBER MESTER CONTESTA PAKICO TA PUEBLO MESTER PAGA PA SU ALARMA DI CAS!



Pelea di MMA entre Andre
Bosman y Desiree Croes:

"Mi ta warda
Desiree Croes
yega Hulanda
pa e bisami
loke e ta papia



Lider di MEP, mr. Evelyn Wever-
Croes

**MEP no ta di acuerdo
con e protocol a
wordo firma**

Parlamentario di MEP, mr. Xiomara Ruiz-Maduro

**Minister de Meza mester duna
cuenta riba asunto di huurmento di
museo pa 1 florin pa luna**

Ningun hende no sa di nada

Sr. Dangui Oduber,
parlamentario di MEP:

**Solucion tin,
boluntad NO tey!**

MEP A ENTREGA AUTO NA GANADOR



**Señora chauffeur a dal contra di
un taxi ariba cruzada di ex-Fatum**



BINGO PA DIA DI TATA

DIABIerna 19 JUNI 2015

CLUB TRAPPERS

HOPI PREMIO, FESTIVAL DI SOPPI Y ENTRETENIMIENTO
MAS DETAYES LO SIGUI PRONTO!

Chauffeur coriendo burachi a keda cera

Un polis coriendo riba caminda di Tanki Flip na Kibaima diadomingo pa 4:35 a mira un jeep, Grand Charokee, blanco, A-43763, bayendo pabao na altura di Bright Bakery. Mesora Polis a nota cu e chauffeur tabata bao di influencia di alcohol, como cu e tabata core ta zwaai riba caminda. Na altura di Pacifico Polis a para e chauffeur pa controla. Polis a pidi e chauffeur pa baha pero a ripara cu e no por a para bon riba su pianan. Mirando su situacion, Polisnan a detene e chauffeur V. naci na Colombia di 55 aña pa buracheria y hib'e warda di Polis na Santa Cruz.

Choller kier drenta den cas pa e usa droga

Asistencia di Polis a wordo pidi diadomingo pa 2:45, na un cas den Caya Sint Lucia na unda un hende

tabata tira piedra riba e cas. Na e sitio e habitante P. a bisa cu su sobrina yama Puding a bin cas y a bisa cu nan mester habri porta pa e drenta paden pa usa su droga. El 'a bisa Puding cu e ta bay drumi y el'a bay for di e sitio. Un rato despues el'a sinti hende ta tira piedra riba su cas y a sospecha cu ta Puding lo ta haci esey. E piedranan a kibra e porta dilanti. Puding mes a somenta.

Durante control polis a haya chauffeur cu marihuana

Durante patruya diadomingo pa 9:15, riba caminda principal, na altura di Kas di Paloma, polis a mira un Toyota Tercel blanco A-25778. Polis a para e auto pa control y e chauffeur tabata musta basta nervioso. Polis a mira un grinder den e auto riba stoel di pasahero. Polis a controla e auto cu permit di e chauffeur. Den e grinder Polis a haya un tiki marihuana, cu a keda confisca. E chauffeur a haya un boet. Ta trata di R.K. naci na Aruba di 35 aña un boet.

Pelea di MMA entre Andre Bosman y Desiree Croes:

"Mi ta warda Desiree Croes yega Hulanda pa e bisami loke e ta papia di mi DEN MI CARA

Cos lo ta hot den IPKO



Andre Bosman

6 hrs

zo gaat Desiree Croes in discussie met collega's. Daarbij word ik voor de slechtste dingen uitgemaakt. En ze zegt dat nooit in mijn gezicht. Ze gaat het debat met mij uit de weg. Komende IPKO in Den Haag hoop ik haar te zien. Dan gaan we het debat aan, ik in ieder wel.



Désirée Croes

Desiree Croes ta un politico cu ta para pa IGUALDAD, CALIDAD y DURABILIDAD!

Like Page



Riba facebook tin ta circulando un post di parti di e parlamentario

Hulandes, Andre Bosman, kende a reacciona riba un post cu parlamentario di fraccion di AVP, Desiree Croes, a pone riba su wall, bisando: Wie met pek omgaat, wordt ermee besmet. Bosman a laga sa cu e ta warda e parlamentario yega Hulanda e siman aki, pa asina e bisa loke e tin di papia di dje den su cara, pasobra e ta cla pa debati cune y ta cla p'e. Croes ta viahando pa Hulanda y ta di spera cu e no haya



miedo, chicken out y keda sin bay.

3.5 ta mas cu 3

Parlamentario di MEP, mr. Xiomara Maduro:

E abuso di e gobierno aki mester wordo exponi, investiga y condena

Alarma pa cas di Minister y placa di huur cu no ta bay pa museo



Den un comunicado mr. Xiomara Ruiz – Maduro a elabora riba e debate publico unda a cuestiona e alarma pa cas di Otmar Oduber unda cu pueblo mester paga. “Durante e debate publico riba presupuesto 2015 nos a cuestiona na man di dos documento e mentalidad cu cual Gabinete Eman ta goberna nos Pais. E gobierno aki ta abusa di e confianza y di e fondo publico di e Pueblo di Aruba. E abuso di e gobierno aki mester wordo exponi, investiga y condena”.

Alarma pa cas di minister “Nos a dispone di un documento di ministerraad den cual tur minister di Gabinete Eman, riba peticion di Minister Otmar Oduber a bay di acuerdo pa paga pa instalacion di alarma pa cas di e minister. Esaki ta un abuso, ya cu pa ley e tipo di gastonan aki no por wordo cubri pa ministernan di nos Pais. E no ta bay pa e suma di placa y tampoco pa si na fin di dia e gastonan aki no a wordo cubri pa e minister. E ta bay pa e hecho cu Minister Oduber y e demas ministernan di Gabinete Eman ta purba abusa cu e fondonan

publico limita di nos Pais. Bo no por compara esaki cu e cuido policial cu un mandatario local of internacional por haya ora ta teme pa su seguridad, ya cu pa esey tin fondonan cu ta wordo aloca pa Cuerpo Policial y tambe pa Seguridad Nacional. Pero e gastonan di seguridad di e vivienda priva di un mandatario ta core pa su propio gasto. Pesey e solo hecho cu ta haci e peticion pa cubri e gastonan priva aki ta mustra e mentalidad di abuso di fondo publico di e gobierno aki”.

Huur cu no ta bay pa museo

“Minister de Meza ta pidi 34.800 florin pa huur di museo na San Nicolas, siendo cu e minister encarga cu museo ta minister Oduber y Minister Sevinger ta esun cu ta firma pa huur edificio. Ora nos a cuestiona e hecho cu gobierno ta paga solamente 1 florin na huur y cu minister ta pidi 34.800 florin, tur tres minister a laba man y ningun por splica na unda e resto di e 34.800 florin ta bay. Nos a comprende cu den e edificio pa cual ta pidi e 34.800 florin aki, un banda musical ta train y pafor hasta tin un carwash. Esaki sigur ta un abuso cu fondonan publico cu ningun di e ministernan aki y tampoco Minister Bermudez por hustifica”.

Mester investiga y condena

“Esaki ta apenas dos caso concreto den cual e abuso di fondo publico ta keda exponi. Esaki ta



Uittreksel van de besluitenlijst van de vergadering van de ministerraad,
d.d. 20 januari 2015 (BE-05/15)

9. Voorstel MinTTPSC d.d. 13 januari 2015 inzake aanvraag Alarmsysteem. (MTTPSC 14/3243).

Instemmen met het vergoeden van de aanleg van een alarmsysteem bij de woning van MinTTPSC, cfm declaratie.

tipifica e mentalidad cu cual Gabinete Eman ta goberna. Pesey Banco Central, CFT y IMF ta bisa nos cu menos di 1% di tur e fondo publico maneha

pa e gobierno aki a bay den inversion pa Pueblo. Awor Pueblo por mira unda su placa ta bay. E gobierno aki mester wordo investiga y condena pa tur

e abusonon aki. Pasobra cu e mentalidad aki, Pueblo por ta sigur cu tin hopi mas di e casonan aki di abuso di fondo publico”.

Openbare aanbesteding Stichting Monumentenfonds Aruba - Nicolaas Store

Ayera mainta den presencia di e presidente di e bestuur di Monumentenfonds e destaho publico pa restauracion di Nicolaas Store na San Nicolas a tuma lugar. Sra. Anne Witsenburg, director di Monumentenfonds, a habri e tres envelop di e tres diferente contratistanan presente. E tres contratistanan cu a duna un bod ta G&S Contractors, Van Kessel Havenbouw en Custom Contractors. E destaho publico a wordo teni ayera mainta pa 11'or precies.

Sra. Witsenburg a enfoca na e apertura cu esaki ta un momento special pa e Stichting Monumentenfonds. Sra. Witsenburg a splicacutapromebiaha cu Monumentenfonds mes ta tene un destaho publico. Monumentenfonds tambe ta sinti e restauracion ta



importante despues di e bunita restauracion di e watertoren na San Nicolas. Monumentenfonds ta spera cu e fondo ta duna un man pa asina crea un ambiente mas bibo atrobe na San Nicolas. Sra. Witsenburg a splica cu e otorgamento di e proyecto lo no bay solamente a base di e oferta mas abao pero tambe lo bay waak e planning cu tin pa ehecuta e proyecto. Stichting Monumentenfonds lo bay studia tur tres oferta y den simannan cu ta bin, decision lo wordo tuma pa waak na cual contratista lo otorga e trabao di e restauracion di Nicolas Store.

Trabao di recap rotonde Dadelstraat

Departamento di Obra Publico ta informa pueblo di Aruba en general y specialmente nos automobilistanan, cu entrante diarazon awor 20 Mei 2015 lo cuminsa cu trabao di recap rotonde Dadelstraat/ Caya Betico Croes. Riba diarazon y diahuebs e rotonde aki lo keda cera completamente for di 7'or di anochi te cu 2'or di madrugada. Rutanan alternativo lo ta indica cu baricada y borchinan di aviso. Ta pidi tur automobilista, negoshinan y otro usarionan pa tene cuenta cu e inconveniencia nan cu lo por surgi, pa cual nos ta pidi nos disculpa.

Ladron a kibra y drenta den cas na Seroe Preto

Asistencia di Polis a wordo pidi diadomingo pa 12:9, na un cas na Seroe Preto na Paradera, unda ladronnan a drenta den un cas. Na

e sitio e homber K. a bisa cu mas o menos 12:09 el'a yega cas y a mira cu el'a haya bishita di ladron. E no kier a duna keho na e momento ey.

**Nissan Altima
2005
Vehiculo riba
Huurkoop**

**Pa e young
executive
Yama awor
569- 4343**



Specials valid till May 26th


ALTERNATORS

Chevrolet Aveo \$175,-
Chevrolet Spark \$234,⁹⁵

STARTERS

Toyota Yaris
Toyota Tercel
Toyota Hilux '95
Nissan Sentra B13, B14

AFL 169,⁹⁵




SHOCK ABSORBERS

Suzuki Swift '08-up (Front and Rear) \$139,-


Toyota Tercel '95-'99 (Front)
Toyota Tercel '95-'99 (Rear)

AFL 99,⁹⁵

E-POWER



RADIATOR



Toyota Tercel

AFL 225,-



Only available @ JR Macuarima | 585-4944 | Prices excl. BBO

Mr. Xiomara Ruiz – Maduro, parlamentario di MEP

Otmar Oduber mester contesta pakico ta pueblo mester paga pa su alarma di cas!

Den tratamento di e presupuesto di 2015 preguntanan a wordo haci, pero no pa tur pregunta a haya un contesta manera mester ta. Según parlamentario di MEP, mr. Xiomara Ruiz-Maduro, pa loke ta trata e alarma di cas pa minister Otmar Oduber, ta un berguena pasobra e ta muestra e mentalidad con e gobierno di Mike Eman ta goberna. Den varios documento cu e partido tin, no por mira ta cuanto e alarma aki a costa pero esaki no ta algo usual y pesey esaki ta muestra e mentalidad di gobierno aki. Esaki ta acto di hendenan cu no tin berguena pasobra bo no por cumpra algo priva y bo ta laga pueblo pague.

A puntra varios minister y ningun contesta! Ta minister di finanzas

Bermudez a bin contesta cu no ta berdad y te dia di awe minister Otmar Oduber no a sali y splica esaki. Dios lo sa cuanto cos mas pueblo tin cu paga; cosnan cu nunca tabata wordo paga pa otro gabinete.

Esaki ta un abuso, según e parlamentario. E asuntunan aki mester wordo investiga y condena. Oposicion den parlamento di Aruba ta haci su trabao di controla y waak cosnan cu no ta cuadra cu ley di e pais aki. E mesun minister aki a echa baina den locual ta trata e 'strawberry gate'. Placa a bay pa e homber cu a haci atraco den dia cla na un joyería; un hende cu nan a cera den KIA. Un hende peligroso y na e minister Otmar Oduber a duna nos placa pa e



'strawberry gate'. Tin e hacking gate tambe na Arubus. Placa ta bay y placa ta bin, pero no ta tur placa a bin y a bisa cu a 'hack' e account.

Tur banco a bisa cu no a hack ningun account di nan banco. Awe nos por mira unda nos placa ta bay y no haye straño ora cu Banco

Central, CFT y IMF, ta bisabo cu menos di 1% di tur e placa cu e gobierno aki a maneja den e 5 añanan cu nan ta na poder, menos di 1% a bay pa inversion di pueblo. Ta yega momento cu minister Otmar Oduber mes mester splica con por ta posibel pa pueblo di Aruba paga alarma pe na su cas y con por ta posibel cu ministernan di Mike Eman ta bay di acuerdo cu esaki. Esaki ta un abuso cu mester wordo investiga y condena.


Esaki ta muestra di un abuso. locual cu pais Aruba no conoce ta budget pa paga alarma pa cas priva di minister. E alarma ta algo cu minister mes mester por paga pa su cas.

Lider di MEP, mr. Evelyn Wever-Croes

MEP no ta di acuerdo con e protocol a wordo firma

Segun lider di MEP, mr. Evelyn Wever-Croes, nos tur ta corda aña pasa ora cu e minister presidente di nos pais, Mike Eman, a bisa "Over my dead body" mi ta bay acepta CFT.

Awor e mes ta pidi pa CFT. Despues por corda con durante campaña, el'a bisa cu e lo elimina BBO y awor el' a hise bek y haci'e mas di loke e ta. MEP a bisa cu nan no ta di acuerdo con e forma di e firmamento di protocol a bay. E firma di protocol ta algo unda nos autonomia a wordo entrega. Fraccion di MEP pronto lo ta na Hulanda pa waak con ta mira tur e asunto aki. Awor berdad ora bo tin mandatario asina malo manera Mike Eman, berdad mester pone nan bao di curatela pero e hecho ta cu aki democracia ta wordo trapa. Pa e aumento di BBO, fraccion di AVP a entrega un amienda. "Un trabao pura haci ora bo lesa e amienda bon. Esnan cu mester a splica e amienda, no tabata sa con pa splik'e," según sra. Wever-Croes.




INTERUPCION DI CORIENTE

En conexion cu trabao nan necesario, coriente lo wordo interumpi: **diahuebs, 21 di mei 2015 for di 8:30 'or a.m. te cu 4:00 'or p.m.** den e siguiente dos areanan na San Nicolaas:

- Brazil un parti, Rooi Master un parti, Weg Seroe Blanco, Palisaweg un parti, Sero Preto un parti, Butuc y Weverstraat un parti.
- Weg Fonteín, Bottom Hillweg, Parish Hillweg, Great Hillweg, Booby Hillweg, Weg Rooi Hundo un parti, Golf Club SN y Rooiweg.

Pa mas informacion yama nos departamento di cliente na 523-7100 of email via customerservice@elmar.aw

Di antemano nos ta pidi nos disculpa pa cualkier inconveniencia cu e interupcion aki por causa.



Control ariba Restaurants y Take Aways

Pa medio di e comunicado di prensa aki, e "Actie Groep Restaurants en Take Aways" cual ta consisti di diferente departamento di Gobierno, e.o. Salud Publico, DOW y Polis kier avisa tur doño di establecimiento di un restaurant y take aways, cu ta bende sea cuminda completo, "fast food" y/o snacks, cu e grupo menciona lo cuminsa cu un control riba nan establecimiento entrante 25 Mei 2015 venidero. Na momento di control tur doño di establecimiento mester cumpli cu por lo menos e siguiente puntonan: Mester cumpli cu e reglanan di higiena y e exigencianan "bouwtechnisch" cualnan ta necesario di parti di seccion di Higiena di Departamento di Salud Publico:

- Tur persona cu ta traha den e negoshi mester tin nan certificado di salud (kaarchi berde) na ordo. E certificado di salud mester ta presente den e localidad y visibel pa e controlardornan di seccion di Malezanan Contagioso subseccion "Foodhandler" di Departamento di Salud Publico;
- No ta acepta recibo di pago como reemplazante di e certificado di salud (kaarchi berde);
- Tur establecimiento di cuminda cu ta resorta bao di "restaurantvergunning A" mester tin un vetvanger funcionando;
- Mester por duna informacion kico/ con ta haci cu e desperdicio di e azeta cu a wordo usa pa cushina;
- Tur establecimiento

mester tin nan permiso di "restaurantvergunning" y permiso di trahadornan cu no ta local na ordo. Si no cumpli cu e rekisitonan menciona, tene na cuenta cu e Departamentonan concerni lo tuma e pasonan necesario pa cumplimiento cu e exigencianan conforme ley.

Tene na cuenta cu seccion di Malezanan Contagioso subseccion "Foodhandler" por atende solamente 60 persona pa dia. E meta di e accion ta pa tur establecimiento di cuminda cumpli cu e.o. e reglanan di higiena, e certificado di salud, permiso pa opera conforme ley y cu den futuro cercano tur localidad cu ta bende cuminda mester tin un "vetvanger" den nan localidad. Pa mas informacion por tuma contacto libremente cu e siguiente Departamentonan:

- Departamento di Salud seccion di Higiena na telefon - 5224270 / 5224273 / 5224275 / 5224279.
- Departamento di Salud seccion di Malezanan Contagioso subseccion "Foodhandler" na telefon - 5224258 / 5224259.
- DOW na telefon - 5284700.
- Polis seccion Bijzondere Verordening zona San Nicolas - 5845000.
- Polis seccion Bijzondere Verordening zona Santa Cruz - 5272900.
- Polis seccion Bijzondere Verordening zona Noord - 5273213.
- Polis seccion Bijzondere Verordening zona Oranjestad - 5824000.

Mireille Sint Jago di MEP:

Yamada na Minister Paul Croes pa atende asuntonan social cu mas seriedad!

Mireille a ofrece su cas na San Nicolas, na e mama cu 7 yiu/ nieto cu a perde dak di su cas

Dios ta grandi! Mas grandi cu cualkier politico! Mi kier trece un asunto dilanti cu e di nuebe Minister di Asunto Social, Hubentud y Labor Paul Croes mester a atende cune: Siman pasa un mama soltera cu ta cuida 4 yiu y 3 nieto a haya su mes confronta cu un problema grandi, ora cu biento fuerte a ranca e dak di su cas. Despues di pasa dos anochi na Rode Kruis, caminda solamente cuida durante oranan di anochi ta wordo ofreci, e mama aki no tabata por mas. Instancianan tur a bisa cu lo tarda 1 pa 2 siman mas, pa por soluciona su problema di tin un hogar pa e 7 muchanan y mientras tanto nan mester keda na Rode Kruis. Ami, Mireille Sint Jago, a ofrece a mama aki y su 7 yiu- y nietonan e cas di nos famia na San Nicolas, pa e temporada stipula aki riba. Te ora cu e instancianan keda cla cu nan trabao.

"E situacion penoso di e mama aki a yega partido MEP, via colega candidato, Endy Croes. Su yamada a yega na mi persona y mesora mi a laga sa cu mi ta dispuesto pa yuda e mama soltera aki, pasobra ami mes sa con duro e bida di un mama soltera aki na Aruba por ta. Si despues di dos dia Minister Paul Croes y su



departamentonan no por a logra soluciona e situacion aki, specialmente ora tin tanto mucha menor di edad involvi cu ainda ta atende school, e ora ey si ami ta bula den. Mi a message cu e por duna mi cell na Bureau Slachtofferhulp y mesora nan a tuma contact cu mi persona. Asina mi a haya contact cu e señora aki. Jeanine, di Bureau Slachtofferhulp, hunto cu algun polis y otro voluntarionan a yuda e señora aki muda pa mi cas na San Nicolas. Pa e mama aki awor tin un hogar drechi y sigur pa su 4 yiunan y 3 nietonan".

"Awor e ta keda den man di Minister Paul Croes su Ministerio y departamentonan, pa bin cu un solucion riba un termino largo, mas pronto posibel. Aruba mester di un Minister cu ta dispuesto pa atende asuntonan social cu hopi mas seriedad. Ami a djis haci locual cualkier otro hende cu curazon pa un mama cu tanto mucha pa cuida lo haci: Yuda bo prohimo. Bo no mester ta un Minister ni un politico pa haci esey. E ta simpel... e mama y su 7 wow'i cariñonan Merce Mihor!"

B'a Buske? Want'e

Parlamentario di MEP, mr. Xiomara Ruiz-Maduro

Minister de Meza mester duna cuenta riba asunto di huurmento di museo pa 1 florin pa luna

Ningun hende no sa di nada

Un cos cu MEP a trece den tratamiento di presupuesto ta e asunto di huur. Segun parlamentario Xiomara Ruiz-Maduro, esaki ta asina importante pasobra no mester lubida cu e minister a yega na mando bisando cu MEP ta huur so pero te dia di awe nan no por presenta ni un lista. Pero awor por mira cu minister de Meza kende ta atende cu cosnan di energia y economía, diripiente ta trata cu museo c uta cay bao minister Otmar Oduber. Aki nan ta atende cu 3 museo na San Nicolas. Awor e ta pidi parlamento di Aruba pa paga e huur di museo aki. Pa nos sorpresa doño

di e edificio a manda e contract cu ta 1 florin e gobierno mester pague pa luna. Dus pa aña 12 florin y no e 34.800 florin! A manda pidi esaki na parlamento di Aruba. A puntra minister de Meza pa duna un splicacion con bin ta e tin e museo bao di dje, pasobra ta minister Otmar mester atende esaki. Minister De Meza a bisa cu e no ta atende cu cos di huur aunke e mes ta pidi parlamento. Ta minister Benny Sevinger mester atende riba e contract.

Ta minister Sevinger berdad mester atende cu esaki. Ora a puntra minister Benny Sevinger

over di e asunto aki, e di cu e no sa di nada. E parlamentario a sigui splica cu tin cu corda bon cu el'a firma pero e no sa di nada! El'a bisa: Puntra Otmar Oduber pasobra ta e ta atende pa locual ta museo.

A puntra Otmar Oduber cu tambe a bisa cu e no sa di nada. Nan ta pidi 34.800. E doño a bisa e ta haya 12 florin y despues minister Bermudez a bisa cu nan a yega na un areglo cu nan lo hay'e pa 1 florin. Sinembargo minister de Meza ta sigui pidi pa 34.800 fl. Parlamento di Aruba a bay di acuerdo pa pasa 34.800 florin. E no ta bay pa e suma



atrobe; e ta bay pa e acto y mentalidad di e gobierno aki. Un mentalidad cu nan ta abusa di e pueblo aki. E gobierno aki mester wordo investiga y condena pa e abuso cu nan ta haci cu e pueblo di Aruba aki. Esaki ta

djis un prueba pa duna pueblo pa mira loke a yega den nos man. Esaki ta pa habri wowo di e pueblo pa esnan cu ta gobierna y ta abusa di e pais aki", parlamentario Xiomara Ruiz – Maduro a termina bisando.

Celebra cu Banco di Caribe

Si bo kier celebra cu set di sala, bay shopping of bay cu vacantie y bo ta buscando interes atractivo, ta solamente na Banco di Caribe bo mester ta.

Probecha awor di e interes di **11% (11.16% APR.)**.

Pa mas informacion yama 523-2250 of pasa cerca nos na Vondellaan 31


BANCO DI CARIBE

Banco di Caribe Aruba N.V. ta reserva e derecho di cobra un penalty fee di 18% p.a. riba e saldo di e prestamo den caso cu e pago no wordo haci na tempo. Un seguro di Risiko ta obligatorio cu di Banco di Caribe Aruba N.V. como beneficiario. Gastonan di administracion ta aplicabel. Mester informa Banco di Caribe Aruba N.V. por escrito den caso cu kier cancela e prestamo prome cu e fecha original di vencemento. E carta mester ta den poder di Banco 90 dia prome cu e fecha cu ta desea di cancela e prestamo. E 90 dia ta bay den efecto riba e dia cu Banco ricibi e carta. Den caso cu no cumpli cu e exigencia aki Banco di Caribe Aruba N.V. ta reserva e derecho di cobra un boet di 3 luna di interes. E promocion aki ta valido te cu fin di april, 2015. E interes pa prestamo personal despues di campana ta bira 16% (16.23% APR) p.a. Banco di Caribe Aruba N.V. ta reserva su derecho di aprobacion. Condicionnan general lo keda aplicabel.

Pa di dos aña consecutivo

Arcos Dorados entre e mihor lugarnan pa traha den Latino America

Arcos Dorados, cu ta opera mas di 2000 restaurant di McDonald's den Latino America y Caribe, a anuncia ayera cu a nombra nan como e di cinco mihor lugar pa traha pe den Latino America. Esaki ta di dos aña consecutivo cu 'Great Place to Work Institute', ta nombra Arcos Dorados den e top 5 hunto cu otro companianan multinacional operando den e region. E instituto aki ta selecta companianan cu ta resalta riba tur otro ya cu nan ta crea un ambiente consistente cu hopi confianza cubriendo fronteranan nacional.

"Arcos Dorados ta hopi contento di a keda selecta den e top 5 mihor lugar pa traha den Latino America. Esaki ta un honor cu nos ta comparti cu tur empleado trahando den restaurantnan di McDonald's aki na Aruba y cu ta lucha pa provee e mihor experiencia pa nos clientenan", asina Woods Staton, Presidente y "Chief Executive Officer" di Arcos Dorados a duna di conoce.

Prome biaha cu McDonald's a subi lista di 'Great Place to Work' pa Latino America tabata na aña 1997. E resultado di e aña aki ta basa riba inspeccion di mas cu 1.25 miyon empleado den e region.

Arcos Dorados ta e operador di restaurant di McDonald's di mas grandi na mundo den termino di benta y den cantidad di restaurantnan, operando e cadena di mas grandi di "Quick Service Restaurant" den Latino America y



Caribe. E tin e derecho exclusivo di ta doño, opera y duna franquicia di restaurantnan McDonald's na 20 pais Latino Americano y Caribense, incluyendo Argentina, Aruba, Brazil, Chile, Colombia, Costa Rica, Corsou, Ecuador, Guyana Frances, Guadeloupe, Martinique, Mexico, Panama, Peru, Puerto Rico, St. Croix, St. Thomas, Trinidad & Tobago, Uruguay y Venezuela.

Arcos Dorados ta opera of ta duna franquisia na mas di 2,121 restaurant McDonald's y ta emplea mas cu 95,000 persona y ta sirbi aproximadamente 4.3 miyon cliente pa dia. Reconoci como un di e mihor companianan den Latino America, Arcos Dorados ta riba bolsa di New York (NYSE: ARCO).

Pa mas informacion bishita e website www.arcosdorados.com.

BLUSH | SANTA CRUZ 36 | 585 3323



TUR CORTE
TUR ESTILO PA DAMAS
Y CABAYERO **AFL25.00**

**MEI
SPECIAL**

PA LUNA DI MEI

CORTE TINJA Y BLOW AFL125.00
TINJA Y BLOW AFL100.00

MANICURE Y PEDICURE AFL50.00
DIALUNA PA DIAHUEBS

RICIBI BO BANJO DI CREMA
COMPLETAMENTE GRATIS
Y PUNTRA PA NOS SPECIAL
PACKAGE PA COMUNION
BRUID Y TUR OCACION

Parlamentario di MEP, mr. Xiomara Maduro:

Hedging ta otro abuso di Gabinete Eman cu mester wordo investiga y condena



Gabinete Eman ta buscando tur manera pa hinca e asunto di hedging na WEB den 'doofpot.' Cueste lo que cueste, e gobierno aki kier evita cu investigacion por wordo haci pa expone e abuso di marca mayor cu nan a haci cu e Pueblo di Aruba. E asunto di hedging aki ta un otro abuso di Gabinete Eman cu mester wordo investiga y condena.

Rapport di investigacion incompleto
Te ainda no tin un rapport cu ta contene un investigacion profundo y completo riba kico a bay fout den e asunto di hedging na WEB cu a causa cu awe Pueblo no por mira un rebaho den nan recibo di coriente, siendo cu na mundo henter prijs di crudo a baha barbaramente. Minister De Meza a informa Parlamento dia 5 di Mei 2015, cu el'a manda pidi mas informacion pa saca afor si WEB a wordo bon conseha. Pero eno a splica e resultado y no a bisa si ta e hedging team di WEB, e hunta di supervision, e

management, e compania Caise & Co, Utilities of su mesun persona como minister encarga ta responsabel pa e fout grandi haci cu hedging.

Mocion pa ARA investiga a wordo nenga
Nos di Fraccion di MEP a urgi e mayoria di Parlamento pa laga Algemene Rekenkamer Aruba (ARA) investiga e asunto di hedging specialmente na unda ta toca e rol di ministernan y Utilities como shareholder di WEB den e asunto di hedging. Pero e Fraccion di AVP a nenga pa ARA investiga.

WEB a sigui hedge sin debido investigacion
For di e carta di Minister De Meza na Parlamento ta bira bisto cu asina mes cu no tin un investigacion pa saca afor kico a bay robez cu hedging, toch WEB a sigui hedge, basa riba e mesun strategia cu a pone nan faya y perhudica Pueblo. E mandatario a indica cu te cu 2017 tin contract di hedging riba mesa pa tene prijs

STATEN VAN ARUBA
Ingek: 05 MAY 2015
Volgnr: IS/321/14-15

Aan de voorzitter van de Staten van Aruba

Referentie *MINELEM/185/15*

Datum
5 mei 2015

Betreft
Stand van zaken moties d.d. 12 maart 2015

Geachte voorzitter,

Naar aanleiding van uw brief d.d. 21 april 2015, inzake de stand van zaken van de vijf door Staten van Aruba aanvaarde moties over de hedging-activiteiten van WEB Aruba N.V. berust als volgt. Voorop dient echter te worden gesteld dat op dit moment de prioriteit van de rust om allereerst de negatieve effecten van de hedging-overeenkomsten op de

di coriente stabil y no pa baha prijs di coriente pa Pueblo. Ta te despues di 2017 lo bay evalua si ta cambia e strategia pa hedge. Remarcabel ta cu tur esaki ta wordo dicidi y haci sin debido investigacion.

Un abuso cu mester wordo

investiga y condena

E asunto di hedging aki a perhudica full nos Pais. E rapport di PWC aunke incompleto ta mustra cu hopi cos a bay fout den e asunto di hedging aki y no por ta asina cu WEB ta keda hedge manera nada no a pasa. Pa evita cu Pueblo ta sigui wordo

perhudica, mester bin un paro na e abuso aki di Gabinete Eman. E asunto di hedging mester wordo investiga door di instancianan concerni y esnan responsabel mester wordo condena pa e abuso aki contra nos Pueblo.

DIABIerna 19 DI JUNI
CLUB TRAPPERS
TA PRESENTA PA DIA DI TATA

BINGO NIGHT

PREMIANAN GORDO | 10 WEGA CU FULLCARD
DI **3000** FLORIN | 10 DOORPRIZES

FESTIVAL DI SOPPI GRATIS
OESTER-CARNI Y GALINJA
PRIJS PA TICKET 10 FLORIN
REGISTRACION 6OR PM
BINGO TA START 8OR PM

DESPUES DI BINGO GRUPO DI BETICO TE CU 1:00 AM

Concierto Dominical Donny Laclé.

Ban disfruta di nos talentonan musical

Esaki ta tuma lugar: Diadomingo dia 24 di Mei 2015



Manera nos a anuncia luna pasa e concierto di e luna aki, luna di Mei, ta tuma lugar dia 24 na lugar di 31. Manera di custumber den "The French Steak House" di Manchebo Resort & Spa.

Diadomingo awor e concierto ta habri cu Livio Hermans, kende tin un talento y pasion grandi pa piano. Cu 7 aña Livio a haya su prome les di piano cerca Miss Lilian van Dijck, kende a pone un base hopi firme pa Livio a sigui desaroya su talento pa bira e gran pianista cu e ta awor. Livio Hermans ta bay deleita nos cu piezanan di Oswald Wever y Padú Lampe. Despues ta sigui Betty Werleman, kende aña pasa a gana eleccion di Dama Cultural di Centro di Bario Brasil unda el'a presenta un show den cual el'a canta e cantica "Ulele", el'a balia un wals y a actua un cantica di Bernadina

Growell (dfm). Betty lo canta presentacion e cantica "Ulele", compaña pa e grupo "Sodo y Cuero." Sodo y Cuero, bao maneho di Wilbert Maduro, ta sigui cu nan presentacion hunto cu Betty.

E grupo Sodo y Cuero a keda funda na augustus 1999 pa sr. Vicente Ras, kende a duna e grupo e nomber "Sodo y Cuero" y ainda ta forma parti di e grupo como e prome tocador di tambu, cantante y tambe compositor di mayoria di nan canticanan. E nomber ta representa e cunukeronan di antes, cu despues di caba di traha den cunucu y tumba maishi, bon soda, tabata pasa man pa nan tambu y resona nan piezanan. Actualmente Sodo y Cuero ta consisti di 6 tocado. Vicente Ras (compositor, cantante y tocado di tambu), Ricardo Maduro (tambu y cantante), Wilbert Maduro

(wiri, corista y cantante), Jose Orman (wicharo, corista y cantante), Lucia Thiel (cantante y corista) y Roberto Orman (wiri corista). Betty Werleman lo acompaña

nan como cantante. Nan lo toca y canta diferente composicion di sra. Bernadina Growell-Kock (dfm) y Vicente Ras. Actualmente Sodo y Cuero ta e unico grupo di tambu activo na Aruba.

Pa clausura e concierto y corona e ambiente nos ta haya un presentacion di Chencho y grupo Zjilea bao maneho di Chencho Kelly/ Yosmar Maduro-Sneek. E integrantenan: ta Chencho Kelly (tambu y bongo) Johnny Scharbaay (piano), Humphrey Solognier (cuarta), Mario Middendorp (baho) y e e coro di trahadornan di Biblioteca Nacional: Elizabeth Loefstop, Astrid Gietel y Yosmar Maduro-Sneek. Chencho Kelly ta

percusionista profesional y ta traha cu gusto cu e grupo Zjilea. Nan ta bay brinda nos musica crioyo di Aruba. E concierto aki ta priminti di ta hopi varia y anima, pues, reserva bo diadomingo mainta. Entrada ta gratis, pero manera semper lo pasa rond cu e caha di glas pa nos por haci un donacion cu fin di aña lo beneficia un of mas di nos hoben talentonan musical den nan estudio.

Pa medio di esaki nos kier invita un y tur pa bin disfruta un rato ameno yen di musica. Sea asina bon di bini trempa pa haya un bon luga pa sinta y pa no perde nada di e concierto aki. E concierto ta cuminsa 11:00 or en punto.

Un Mainta Diferente **Top 95**

Lyonel Dirksz



Tur dialuna pa dibierna di 9er di mainta pa 12er

Un Mainta Diferente
Pa alegria bo mainta cu motivacion, salud, noticia, farandula, humor, musica, hopi premio y topiconan intresante.

Abo a sostene Mega Debe?

Ami no!

Sr. Dangui Oduber, parlamentario di MEP:

Solucion tin, boluntad NO tey!

Nos pais ta pasando den su pior momentonan actualmente. Nos debe a yega 4 biyon florin y esaki ta 82% di nos GDP. Di cada florin cu nos pais ta produci 82 cent ta bay pa paga debe. Un gobierno irresponsabel a destrui e finanzas publico di nos pais. Den apenas 5 aña a redobla e debe di nos pais y consecuentemente a manda nos pais bancarota. Segun Banco Central, contrario na loke gobierno ta informa pueblo e debe di pais Aruba lo sigui subi y yega bandi di 86%.

E gobierno aki a scoge e solucion di mas facil pa sali di e problema financiero cu nan a hinca nos pais aden. Nan a scoge pa bay castiga pueblo cu medida y laga pueblo paga pa e disaster financiero cu nan a crea y hinca nos pais aden.

Tin solucion hopi practico y cu por ehecuta facilmente y asina evita mas medida pa pueblo. Nos mester tene bon na cuenta cu gran parti di nos pueblo ta gana salario minimo cu ta 1647 florin. Segun Centraal Bureau Statistiek un persona mester gana 2034 florin pa luna pa por sobrevivi. E manera cu gobierno ta introduciendo medida, AD HOC sin haci ningun estudio kico e efectonan lo ta riba e cartera di nos pueblo lo ta devastador. E aumento di BBO cu 1% lo caba cu cartera di nos pueblo y lo haci Aruba aun mas caro.

E poder di compra lo bay atras y calidad di bida lo bay conoce un deterioro pasobra placa no ta yega mas.

Nos a haci calculacionnan y e 2 ministernan extra ta costa nos pueblo 17 miyon florin. Si gobierno tabata tin e boluntad di reduce e cantidad di ministernan na 7 e aumento di BBO di 1% lo por a wordo evita. Gobierno a haya e oportunidad, dia cu Juan David Yrausquin a tuma su retiro pa reduci e cantidad di ministernan na 8. Sabiendo e situacion cu pais Aruba ta aden, toch nan a scoge di bay bek na 9. Otro ehempel con por reduci gastonan di gobierno masha facil. Promer minister Mike Eman y minister di infraestructura Benny Sevinger nan gastonan di personal hunto ta yega 19 miyon florin mientras ex - minister, prome minister Oduber y ex - minister di infraestructura hunto nan gastonan di personal a yega 8 miyon florin. Imaginabo promer minister Mike Eman tin 130 coordinador y Benny Sevinger tin 67 coordinador. Nan dos hunto tin 197 hende riba payroll di gobierno. Esaki ta muestra cu e gobierno aki no ta 'give a damn' cu pueblo.

Aki bo ta waak cu si a mantene e mesun nivel di gastonan di personal di e gobierno anterior e dos ministernan aki so

por a scapa pueblo 11 miyon florin. Si a mantene 7 minister y mantene e gastonan di personal di ministernan na e mesun nivel di gobierno anterior, gobierno aki por a reduci su gastonan cu 27 miyon florin. Pero e gobierno di Mike Eman aki a demostra cu nan no tin voluntad pa reduci gasto y nan ta sigui fiesta y derocha placa di pueblo. Gobierno tin un bureau BUVO cu ta haci 'voorlichting en promotie'. Ora bo analiza e presupuesto 2015 bo ta waak cu miyones di florin ta bay na gastonan di 'voorlichting en promotie' pa cada minister anto e ora bo ta puntra bo mes pakico tin e departamento BUVO. Si e ministernan tin e voluntad di laga BUVO haci 'voorlichting en promotie' pa nan, envez di nan bureau, esaki lo reduci e gastonan di gobierno cu miyones di florin. Asina aki mi lo bay keda trece cantidad di ehempelnan dilanti con gobierno por reduci su gastonan envez di castiga pueblo cu medida. Tin cantidad di solucion pero gobierno mester tin e voluntad pa haci esakinan y e gobierno aki a demostra incapaz y cu nan no tin e voluntad pa reduci nan gastonan! Castiga pueblo cu medida NO ta soluciona e problemanan financiero cu nan mes a crea! Aruba tin mester di alternativa awor aki y no mas MEDIDA!



Santa Cruz
BARBERSHOP
Mon-Fri: 8AM-9PM • Sat: 9AM-6PM

T1.600-6673 • T2.592-1880

COSECHA DI BERDURA Y FRUTA LOCAL Y TUR COS PA BO MES POR PLANTA



GreenVibes
SUSTAINABILITY STORE

Habri di 10:00 AM - 8:00 PM
na King Plaza riba Sasaki Weg

Show di scol di baile Simadanza fin di siman aki

**Cu tributo na e fayecido Hidward Croes
cu a contribui na varios ocasion**

Diahuebs 21, diabierna 22 y diasabra 23 di Mei proximo Scol di baile Simadanza ta celebra su cuarenta aniversario cu un tremendo show den Cas di Cultura. Tur show ta cuminsa pa exactamente 7:30 di anochi y ta pidi tur hende pa ta na ora. Tambe ta informa cu lo no tin pauze, esta e show ta un solo programa di mas o menos 2 ora. Por menciona cu durante e show lo tin un poesia cu lo wordo declama y baila. Tambe lo tin un tributo na e fayecido musico Hildward Croes cu a contribui na varios ocasion cu Simadanza cu su musica, manera un composicion specialmente na ocasion di bishita di Reina Beatrix na Aruba na 1987.

E show ta yen di sorpresa y por mira con tur alumno a haci nan maximo esfuerzo durante varios luna pa por presenta un bunita show. Por mira e dedicacion na e tecnicanan di baile, musica bon escogi, bunita iluminacion y trahenan fabuloso pa grandi y chikito. Y un grupo di mucha homber lo muestra nan talento den baile moderno manera streetdance. E celebracion di e cuarenta aniversario di scol di baile Simadanza ta posibel gracias na e esfuerzo di e alumnonan, mayornan y e docentenan Ina Profet y Tracy Pietersz bao guia di Astrid Salazar. Tambe a ricibi cooperacion di diferente instancia pa cubri gastonan y por menciona UNOCA, Valero, AIB, Fruteria Virgilio, Subway y Setar. Kaarchi pa e show di Simadanza ta obtenibel na Cas di Cultura y Simadanza y si bo no tin di bo ainda, haci liher, pasobra e interes ta grandi. Y corda cu show ta cuminsa exactamente 7'or y mey di anochi.

MADURO HEAVY EQUIPMENT N.V.

Santo pa Basha, Santo pa Pleister,
Crushed Sand, Piedra, Tera pa

Mata, Graniet. Tambe nos ta
Rosa Tereno, Coba Pos y
Fundeshi.

ROOI BOSAL 49

TEL.: 585-1708

FAX.: 585-6299



Fundação Social Cultural Portuguesa a elige Directiva Nobo 2015-2017

Fundacao Social Cultural Portuguesa mihor conoci como "Club Primavera" a elige directiva nobo pa e periodo di 2015-2017. Diadomingo April 26, 2015 Miembro nan presente a tuma parti di un election pa directiva nobo, e dia aki a presenta plan nan pa 2015, cu ta encera mantencion di edificio, celebracion di 50 aña di Dia di Portugal na Aruba na Juni, Caminata en conexon cu celebracion



di dia di Portugal, Celebration dia di Madeira na Juli, Celebracion di Virgen di Fatima na Oktober, Celebration di dia di Santo Martin y parti di deporte unda directiva lo uni hunto cu grupo di deporte estudiantes. E mision di e directiva nobo ta pa mantene bibo e cultura Portugues y tin deporte activo pa miembro nan y tambe comunidad di Aruba por participa.

Directiva nobo 2015-2017:

- | | |
|----------------------|-------------------------------------|
| • Presidente | Sr. Nelio Gomes da Silva |
| • Vice Presidente | Sra. Lourdes Viera do Salão Maduro |
| • Tesorero | Srta. Indira Andrade do Salão |
| • segundo Tesorero | Sra. Rhonda da Canha |
| • Secretaria | Sra. Nahaina Goncalves Pita |
| • segunda Secretaria | Sra. Lila Geerman |
| • Comisario | Sr. Alberto Goncalves Pita |
| • Comisario | Sra. Maria Conces o da Silva Cirsto |
| • Comisario | Sra. Lucy do Nascimento |
| • Comisario | Sr. Francisco Chico Silva |
| • Comisario | Sr. Vale Jr. Croes |

Tambe a wordo enstala miembronan di comishon pa Infantil, sra. Teresa Vieira do Salão, Deporte sr. Reymy Davelaar

Nos ta desea Directiva nobo hopi forza y motivation pa nan temporada cu sigui lo trese e union y spirito den e Club.

"Juntos, podemos fazer muito mais e melhor"

Atentamente

Nelio Gomes da Silva

Presidente FSCPneliogomes40@gmail.com

Tel 2977301067

Señora chauffeur a dal contra di un taxi ariba cruzada di ex-Fatum



Dialuna mainta polis di trafico a bay na e cruzada di ex-Fatum pa un accidente. Na yegada polis a haya un Suzuki Ignis pega contra un palo di luz cu un señora na stuur. E señora a cuminsa sinti'e malo. E accidente a sosode na momento cu e luznan di trafico no tabata

trahando y esaki ya pa algun dia caba. E Suzuki Ignis a subi e cruzada y no a mira e Taxi y a dal contra di dje, pa despues sigui bay dal un palo di luz. Ambulance a ser pidi pasobra e señora ta sufi di presion. El'a cuminsa sinti'e malo. Ambulance a yega y a trat'e.

Dos premio den e categoria di "Best Consumer Service Innovation"

Digicel ta gana premio den servicio innovativo pa consumidor



Digicel Group a conquista dos premio durante e "Global Telecoms Business Innovation Awards 2015" cu a tuma lugar na Sheraton Park Hotel na Inglaterra. E prome premio a bay pa "Servicio innovativo pa consumidor" y e di dos premio a bay pa nan servicio di "Roaming". Ambos servicio ta diferente y ta trece mas beneficio pa clientenan, si compara cu otro companianan di celular.

E premio den categoria "Servicio Innovativo pa Consumidor" ta pa servicio di pago pa servicionan di utilidad yama "Easypay" via e sistema Redknee di Digicel. Asina ta permiti clientenan di Papua New Guinea pa cumpra electricidad na cualkier momento directamente for di su celular. E otro premio otorga tabata pa e servicio di "Roaming" di Digicel cu ta brinda oportunidad na clientenan pa paga tarifa local mientras nan ta biaha den exterior, cu un reduccion den costo di mas cu 95%.

Door di traha den asociacion cu proveedor di servicionan di electricidad di cada pais, Digicel y Redknee a percura pa un solucion alternativo na e comprobante di pago



di electricidad existente via servicionan di top up. Asina a percura cu e cliente no tin nodi core distancia largo pa busca un lugar disponibel pa haci pago, cu tabata un proceso cu tabata consumi masha hopi tempo mes y alavez ta costoso y no eficiente.

E servicio di roaming, "Roam as you were at home", ta prome den su tipo den nos region, ya cu e ta brinda servicio na tanto e cliente pre-paid como post-paid pa ricibi of haci yamada sin costo algun, manda SMS y haci uso di data tur na mesun momento manera e tarifa di cas, evitando e tarifa di roaming normal di cada

pais. "Digicel semper ta buscando forma nan innovador den tecnologia cu realmente ta funciona den beneficio di nos clientenan. Como proveedor di comunicacion- y solucionnan total, nos tin e meta primordial pa ofrece e mihor contenido, servicio y balar na nos clientenan. Mi kier felicita tur ekipo cu di un manera of otro a traha duro pa ofrece e mihor servicionan, un premionan bon mereci", asina Bob Sprengers, gerente general di Digicel Aruba a enfatiza, refiriendo na e premio di Digicel Group.

Un total di 62 delegado for di 30 pais Latino Americano y di Caribe

Hopi idea nobo den convencion anual "The YMCA we want"

Cambio den caracter di hobennan y adelanto den tecnologia ta traduci den retonan



Un gran parti di e delegadonan cu a yega Aruba siman pasa pa asisti na e conferencia anual di YMCA-LACA, pa e "Reunion Presencial de Comité Ejecutivo Aruba 2015" a yega hunto pa despedi, pa yama Danki

na e comision di Aruba pa nan hospitalidad y estadia placentero. Nan ta mira atras riba reunionnan fructifero, yena di ideanan nobo y innovativo, na beneficio di e muchanan y hobennan di Latino America y Caribe. Director

di YMCA Aruba, Nathalie Harms y secretaria di YMCA-LACA, esta Anky Vrolijk, a ricibi e regalonan simbolizando artesanianan di cada pais y tambe a ricibi un trofeo di Latin America and Caribbean Alliance of YMCA na unda ta bisa "In appreciation of their humble and dedicated service hosting and organizing the 20th Annual Conference and meeting of the Executive Committee" for di man di Mihoru Roberto Kobayashi, Presidente di YMCA-LACA.

"Nos ta bisa humilde, ya cu ta humildad nos a conoce como e mihor ingrediente di e pais Aruba. Nos ta keda cu un recuerdo agradabel y pa semper di e pais aki y su hendenan. Pa di 11 biaha cu mi ta presencia un conferencia anual di LACA y esaki ta loke mi ta hiba e biaha aki cumi. Un pais chikito humilde pero di curazon masha grandi", asina Mihoru Roberto Kobayashi a relata como despedida.

"Despues di a presencia un video cu a compilar momentonan cu e delegacionnan a presencia na Aruba, tin cu bisa cu e isla aki ta grandi den su metanan y nos por siña masha hopi mes di e trabao incansabel di YMCA Aruba y su boluntarionan, pa duna guia na tur e hobennan, adulto y e famia di Aruba", segun Antonio Merino, Secretario General LACA a relata. E conferencia LACA 2015, a trece hunto delegadonan di Panama, 29 participante di Brazil cu tabata esun di mas grandi, Honduras, Cayman Islands, Chile, Colombia, Ecuador, Haiti, Mexico,



Nicaragua, Panama, Peru, Trinidad and Tobago, Uruguay, Canada, Merca, Alemania y Spaña hunto, pa studia cambionan proponi pa yega na un miho YMCA.

"YMCA Aruba como organizadornan ta orguyoso di por tabata anfitrion di tur e voluntarionan di hopi pais di mundo y a siña masha hopi mes for di cada un di nan. Awor cu nos conoce e mesun preocupacionnan cu cada pais ta pasa aden cu e hubentud actual y nan ponencianan, nos sa cu hunto nos por soluciona mucho mas", di acuerdo cu Anky Vrolijk di YMCA Aruba.

"Esaki ta pone un bes mas e luz positivo riba trabao voluntario, na unda bo ta dedica na bo pais y su hendenan pa construi un mihor base y aporta

na felicidad humano. E trabao di voluntario ta keda demostra aki un biaha mas como algo special significativo y poderoso pa e superacion di un pais", asina Anky Vrolijk a sigui bisa mientras e ta sigui ricibi palabranan y gestonan di cariño y aprecio for di e delegadonan. E punto sigur cu mas a destaca durante e conferencia ta e retonan grandi cu cada pais ta pasa aden, na unda cambionan den caracter di hobennan y e adelanto den tecnologia cu ta domina bida di gran mayoria di e hobennan, tin su influencia y aki ta e reto pa yega na solucionnan y asina alcanza e YMCA we want, cu sigur tabata e meta principal di e di 20 conferencia anual di e comision ehecutivo LACA 2015.

Filomena College MAVO a haya un charla di motivacion



Recientemente e examenkandidaten di Filomena College MAVO a haya un charla di motivacion pa asina encurasha nan mas pa e periodo di examen. Docente di Universidad sra. Charisse Hoen-Daly hunto cu un recien graduado di Universidad y alavez ex-alumno di nos school, sr. Robert Anjie a duna e alumnonan no solamente tipsnan valioso pa e periodo final aki pero tambe pa medio di weganan a laga nan realiza cu si tin teamwork mayoria di nan lo por gradua na luna di Juni.



Filomena College MAVO kier a gradici sra. Charisse Hoen, sr. Robert Anjie y sr. Purcy di YMCA pa nan colaboracion pa cu e actividad aki. Tambe nos school kier a desea tur examenkandidaten di Aruba hopi exito cu nan examen. Make it happen!!!



Elimina BBO?

Kier meen di 3 pa 3.5% ?

Aruba Airlines a regala tur empleado cu ta mama, un dushi brunch na Radisson Aruba Beach Hotel



Diadomingo, 17 di Mei, gerente di Aruba Airlines a regala tur empleado cu ta mama un dushi brunch, na Laguna Restaurant situa na Radisson Aruba Beach Resort. E mamanan sigur a wordo bon malcria pa e waiternan atento, mientras nan tabata disfrutando di un dushi brunch. Francis Jacobs a entretene e mamanan cu un dushi ritmo musical.

E mamanan a goza un mundo cantando y bailando riba e dushi ritmo musical di Francis Jacobs. Durante e brunch, gerente di Aruba Airlines a parti regalo pa e mamanan y tambe a organiza un rifa unda dos mama a gana un bunita premio. E empleadonan tabata masha contento y sigur a disfruta di un merdia hopi ameno.



MEP A ENTREGA AUTO NA GANADOR

Siman pasa Lider di partido MEP hunto cu coleganan di partido a entrega e auto na e ganador di nr. 06401. E number a wordo bendi pa candidato Rudy Richardson pariba di brug.

Diasabra dia 9 di Mei partido MEP a rifa un auto Hyundai 2015, un rifa cu por cierto a wordo hopi bon bendi.

Sra. Geerman di Brazil, a gana e auto y bin busca esaki den presencia di su famia na Garage Central.

"Pabien na sra. Geerman y su famia cu e premio aki, y danki di curazon pa aporta na nos fundraising.

E rifa tabata hopi bon bendi, mihor cu varios otro cu MEP a organiza y nos ta hopi agradecido na tur esnan cu a duna nan aporte. Nos ta spera cu famia Geerman por tin hopi gozo di e auto nobo", tabata palabranan di lider di MEP, mr. Evelyn Wever-Croes.

**PABIEN SRA. GEERMAN
GANADORA DI E AUTO
DI RIFA DI MEP**



EVELYN WEVER-CROES MIKE EMAN NO TIN NINGUN CREDIBILIDAD MAS

Mentiranan di Mike Eman

Durante tratamento di presupuesto 2015 den ultimo dianan, prome minister Mike Eman a expresa varios mentira, segun lider di MEP Evelyn Wever-Croes. "Mike Eman ta insulta inteligencia di nos pueblo cu su mentiranan, y pesey ta importante pa desenmascara cada mentira di Mike Eman", Evelyn Wever-Croes a duna di conoce.

AVP LO ELIMINA BBO

Locual a haci e credibilidad di Mike Eman mas daño ta e hecho cu durante dos campaña electoral el a priminti cu e lo elimina e BBO. Mike Eman a demonisa e BBO, y a culpa e BBO pa tur cos malo den nos pais. Awor, despues di 5 aña nos ta mira e BBO wordo aumenta te na 3.5%, mas cu e BBO cu e mes a demonisa na 2007! Cu esaki Eman a demostra cu bo no por kere su palabranan den net net nada.

OVER MY DEAD BODY LO ACEPTA CFT

Un otro mentira grandi di Mike Eman tabata aña pasa Juli ora cu Hulanda

a impone un KB riba cabez di gobierno di Mike Eman. Eman den su desesperacion a bay den welga di hamber, y eynan a laga sa cu e lo muri pa defende nos autonomia. OVER MY DEAD BODY e lo acepta CFT. Awe, ni un aña despues Mike Eman MES a pidi pa CFT y a firma un protocol regalando nos autonomia financiero. Mas motibo pa bo no kere ningun palabra mas di Mike Eman.

URIRAMA LO BAHGA GASTO DI CORIENTE CU 50%

Finalmente otro mentira devastador di Mike Eman ta na momento cu el a bisa cu e di dos parke di molina di Urirama lo baha prijs di coriente cu 50%. Mentira! WEB na tur ocasion a informa Parlamento cu Urirama lo NO baha ningún prijs di coriente, pasobra WEB a firma a contract cu e parke di molina, pa cual ta imposibel pa WEB baha prijs. Y no lubida cu WEB awor ta coriendo den

citranan cora y e situacion



di e compania no ta bon.

E motibonan dicon un prome minister di un pais mester gaña na momentonan crucial asina, ta keda un misterio. Hecho ta si cu hopi hende ta comenta cu Mike Eman mas y mas a debilita, y ta muestra di ta un persona cu hopi problema di salud. Hopi hende a haya su discursonan swak y yena cu inconsistencia y mentiranan. Hendenan a cuminsa realiza cu e prome minister aki ta perdiendo tur su batayanan, y no ta kere su palabra mas. "Ta tristo, pasobra Aruba sigur no merece un prome minister asina, Aruba merece mihor, mucho mihor", ta palabranan di Evelyn Wever-Croes, lider di MEP.

Bisiña atento a scucha boroto y core cu ladron den Weststraat



Diasabra madruga a drenta informacion di un caso di intento di kiebro na un oficina di deurwaarder y incasso den Weststraat. Mesora a dirigi un patruya na e sitio. Na yegada di e patruya a bin compronde cu aki ta trata di un sospechoso cu a bin purba kibra e glas di porta di e oficina pero e glas di e porta no ta di e facil ey pa

kibra y debi na e boroto un bisiña atento a sali afo y a grita e sospechoso pa e bay di eynan y el a core bay. Na yegada di esun encarga cu e lugar a bay wak e video di seguridad y a bin descubri cu aki ta trata di e mesun antisocial cu a purba di kibra e glas di Footfit pero no a logra ni aya ni aki.

Yos Septic Tank Service

Chica pos y habri tuberia

Pa un bon servicio y mas informacion tuma contacto cu

Nena Dirksz na 7482689 of Jose Dirksz na 5666144
Paradijs #09 - Oranjestad, Aruba.



Solo Local.....

Minister Michelle Hooyboer-Winklaar

Concepto “Veilige scholen” ta pa tur scol na Aruba

Meta principal ta pa pronto ehecuta tur aspecto mas posibel

Na aña 2011 a lansa e proyecto “Veilige Scholen” firmando un protocol cu un grupo grandi di stakeholders, kendenan di un manera of otro tin di haber cu mundo escolar y mundo di mucha/hoben. Ta referi aki na Directie Onderwijs, Directivanan di Scolnan, Cuerpo Policial, FADA, Telefon pa Hubentud, Wit Gele Kruis, Fundacion Maatschappij & Criminaliteit, Ministerio Publico, Fundacion pa Nos Muchanan y mas.

E proyecto “Veilige Scholen” ta cumpli cu e tratado di Derecho

di Mucha, cual Aruba ta forma parti desde januari 2001. Un scol sigur fisicamente y emocionalmente ta hopi importante den desaroyo di un mucha. Gobierno tin e responsabilidad pa cumpli cu e aspecto aki. Cada organisacion cu a firma e protocol ta trahando, sea hunto cu Gobierno of no, riba e bienestar general di e mucha, sea ta pa duna les, preveni uzo di droga of pa scucha y duna conseho ora di problema.

E proyecto, publica den un guia pe scolnan, ta describi

na cada stakeholder nan responsabilidad, cuminsando cu e prome responsabel pa un mucha cu ta su mayornan. Un par de ehempel cu por menciona ta: E schoolbestuur nan ta responsabel pa e aspecto fisico y emocional y tambe pa e bienestar di maestro, alumno y staf. Cuerpo Policial ta responsabel pa mantene orden publico den y rond di scol. Den caso aki ta sugeri pa e scol tin bon contacto a base regular cu e barioregisseur di Polis.

Fundacion Maatschappij en Criminaliteit a publica e prome guia pa scolnan avansa na 2012. E otro guianan pa e demas tipo di enseñansa na Aruba ta den proceso pa wordo publica. Pronto tur scol avansa lo wordo yama pa informa con e guia menciona ta wordo uza y ki tips tin pa tene cuenta cune.

Minister Michelle Hooyboer a reactiva e proyecto aki y lo cuminsa cu e asina yama Plataforma, caminda e stakeholdersnan menciona lo reuni atrobe. Directie Onderwijs, den persona di Chantal Ecury ta e persona encarga cu e proyecto. E meta principal di e mandatario

ta pa uni forsa pa medio di e proyecto Veilige Scholen, tambe den bario cu Misa, Polis, Centro di Bario, Trai Merdia, enfin cu tur instancia cu ta traha na bienestar di nos muchanan cu e solo meta pa mehora e bienestar di e mucha na scol.

E Plataforma ta crea oportunidad pa directivanan di scol y e instancianan concerni por topa y intercambia e “best practices” pa por sigui traha na un miho scol. Tambe Minister Hooyboer a institui e comision cu ta traha riba e guia di conducta cu lo yuda garantisar un ambiente sigur na scol.

MAKELAAR

Booshi Wever: Tin mas prueba cu Mike Eman a bay di acuerdo cu CFT na Aruba!

Jul 18th 2014 Publica

CFT advises placing Aruba under financial supervision

THURSDAY, 04 DECEMBER 2014 00:36

According to CFT, it would be logical to organise financial supervision in Aruba in a similar way as is done in the rest of the Kingdom, whereby the same norms of the Kingdom Law Financial Supervision Curaçao and St. Maarten would be applied.

Last chance for Aruba to agree to supervision

April 25, 2015 9:16 AM

Acuerdo pa supervision financiero pa Aruba

Monday, 04 May 2015 22:56

Plasterk: Proximo Rijksministerraad ta discuti riba candidatonan CAFT

Posted on 03/15/2015 9:11 am AST | Updated on 05/15/2015 2:14 am AST


Like WOWO POLITICO

Recordatorio pa core dornan di drag

Recordatorio pa tur core dornan di drag cu lo bay competi den e evento di The Real Deal pa un reunion awe nochi diamars 19 Mei na Hamaka Sidewalk Cafe, cuminzando 7:30pm.

Categorianan invita ta: street legal auto- scooter/quad racer- jr dragster- no box- box- sportsman bike- frontwheel drive.

Nos ta topa awe nochi 7:30pm na Hamaka Sidewalk Cafe!!!



Solo Local.....


Chauffeur no a duna preferencia y a ocasiona un accidente



Diasabra mainta a drenta informacion di un accidente cu hende herida na e cruzada Caya Musica cu Bubali. Mesora a dirigi tanto polis como ambulance na e sitio. Na yegada di e patruya a bin compronde cu aki ta trata di un accidente unda e dama chauffeur di e Suzuki Station Wagon cu

tabata bin di Caya Musica no a duna preferencia na e pick-up cu tabata bin di pariba pa bira bay zuid y a bay dal riba dje. E impacto tabata fuerte y e chauffeur di e pick-up tabata keha di dolor na su nek. Na yegada di e ambulance, nan a atende e victima y a transporte pa hospital.

Accidente entre un auto cu brommer banda di Well Well na Hooiberg



Diasabra atardi a drenta informacion di un accidente cu hende herida banda di Well Well na Hooiberg. Mesora a dirigi tanto polis como ambulance na e sitio. Na yegada di e patruya a bin compronde cu aki ta trata di un accidente entre un auto y un brommer. Aki e pick-up a subi sali dilanti e brommer. Segun testigonan tabata tin 2 hende den e pick-up y ambos a core bay pero un di nan a bolbe y a pretende di cu e tabata na stuur pero no tabata asina segun e

testigonan. Na yegada di e ambulance nan a atende e victima y a transporte pa

hospital. Polis mirando cu e pick-up no tin su papelnan na ordo a confisca esaki.



TRAINING: "REKENEN"

pa: studiantenan di 5de klas di school basico)

Dianan di training: mei 21, 22, 23, 28, 29, 2015

Ora: 3:00 pm – 6:00 pm

Lugar: Colegio Arubano (Playa)– lokaal 62

Docente : drs. Rudolf R. Kelly

Informacion: 562-2119/ 594-9771/ 585-9774.

Email: rr_kelly@yahoo.com

Solo Local.....

Luigi Andre Petrocthi a cumpli 15 aña cu Cruz Cora

Recientemente a tuma lugar celebracion di Dia Mundial di Cruz Cora unda cu internacionalmente ta reuni voluntario-, lider- y miembronan di Cruz Cora, sea ta na nan sede principal of unda cu nan por ta hunto pa refleha un momento riba na trabao valioso y impagabel. E aña aki Cruz Cora a celebra su di 150 aniversario.

Na Aruba henter e dia a wordo dedica na diferente actividad. Mainta a hisa bandera na e sede principal y voluntarionan a sali despues pa parti cuminda pa personanan den necesidad. Den oranan di atardi e voluntarionan, miembronan y directiva a reuni pa asina comparti un momento ameno riba e dia special.

Minister dr. Alex Schwengle ta felicita henter e team di Rode Kruis di Aruba cu e sosten y apoyo cu nan ta brinda y e trabao valioso cu nan ta haci den nos comunidad. E mandatario a expresa: "Hopi biaha silenciosamente nan ta percura pa ayudo yega na porta di nos ciudadanonan. Sin cu nan ta pidi nada a cambio, pero cu un curazon grandi pa sirbi e ser humano prome, pa salba un bida, pa haci un persona den tur su necesidad sinti mas comodo, pa yuda un persona bek riba su pia. Nos comunidad tin hopi

pa gradici na Rode Kruis. No tin palabra di skirbi, ni placa pa paga pa e aporte cu Rode Kruis ta haci na nos pais. Masha, masha danki!" Luigi Andre Petrocthi tabata entre e voluntarionan cu a celebra un ocasion extra special, esta su di 15 aniversario como voluntario di Rode Kruis. El a cuminsa for di su 16 aña cu Jeugd Rode Kruis y ora el a haci 18 aña, el a wordo admiti den Rode Kruis, o sea den e division cu ta participa na trainingnan mas intensivo y accionnan mas grandi den comunidad.

Petrocthi ta conta cu for di momento cu el a drenta Rode Kruis e kier tabata activo henter ora, hasta scogiendo pa drumi cu hopi regularidad na e sede como parti di su tareanan. For di ora cu el a haci 10 aña como voluntario cu Rode Kruis, el a wordo invita pa tuma diferente curso di upgrading pa diferente nivel.

E cursonan aki a inclui trainingnan na Sint Maarten y Corsou, trainingnan mas intensivo pa cu horcan y desaster y na Aruba, mas curso social pa siña con pa atende cu e hendenan involvi despues di un desaster, pero tambe con pa maneha un pais como area di desaster. Kedando semper moviendo cu tur e ultimo desaroyonan, e


ultimo training cu Rode Kruis a ofrece y Petrocthi a tuma tambe ta e curso encuanto di "cambio di clima". Andre Petrocthi ta considera Marieta Wanopa su mama na Rode Kruis, cual organizacion a bira su di dos cas. El a splica cu semper el a gusta ta na Rode Kruis y e tin e organizacion den su curazon.

Petrocthi ta encurasha otro hobennan y, en general otro personanan den nos comunidad cu tin gana pa yuda e ser humano den necesidad, pa acerca Rode Kruis y bira boluntario. Hobennan por drenta Jeugd Rode Kruis for di 12 aña di edad y ta ricibi lesnan basico di prome auxilio (first aid) y ora nan cumpli 18 aña, nan ta switch pa Rode Kruis. E hobennan ta provee backup den henter comunidad na momento di un desaster of incidente. Adultonan ta drenta directamente den Rode Kruis y ta ricibi tambe tur training necesario. El a remarca cu nunca mester pensa cu no ta drenta Rode Kruis pasobra e ta un trabao sin pago. El a subraya cu ta un hecho cu tur hende mester di placa pa biba, pero ta un voluntario pa Rode Kruis ta algo cu e ta haci cu curazon den su tempo liber y e ta encurasha hendenan pa yuda otro.

COMUNICADO DI PRENSA 15-5-2015

- Pa ken e training REKENEN ta?**
Pa alumnonan di 5de klas di School Basico cu kier prepara nan mes hopi bon pa 6de klas pa despues sigui pa school secundario (HAVO, MAVO, de SCHAKEL, INTERNATIONAL SCHOOL, EPB).
- Kico e alumno ta siña den un training REKENEN?**
Den e training REKENEN e estudiante ta (a) ripiti e "leerstof" di añanan anterior, (b) repasa ful e "leerstof" di 5de klas y (c) sera conoci y prepara su mes pa e "leerstof" di 6de klas. Door di e training REKENEN e alumno ta:
*hopi bon prepara pa cualkier proefwerk den 5de klas, *e ta hisa su cijfer pa REKENEN, *e ta cla pa bai over pa 6de cu hopi bon punta pa REKENEN (8, 9 of 10) y *ta cuminsa train caba riba e nivel di 6de klas. Remarca: no lubida cu di trempan alumnonan di 6de klas ta wordo selecta pa ta candidato pa haci e toets pa sigui studia riba nivel HAVO/VWO. Un cijfer di 8 bai ariba den 5 de y 6de klas ta yuda e estudiante bira un candidato pa haci e "toets" of examen y sigui school secundario riba e nivel havo/vwo.
- Den ki periodo e training ta tuma lugar?**
E promer training di REKENEN pa alumnonan di 5de klas ta tuma lugar riba e siguiente dianan: mei 21 (diahuebs), 22 (diabierna), 23 (diasabra), 28 (diahuebs), 29 (diabierna), 2015
- Ki ora?**
Ora: 3:00 pm – 6:00 pm
- Na unda?**
Colegio Arubano – lokaal 62
- Ken ta e trainer y organisador di e training REKENEN?**
Drs. Rudolf R. Kelly (onderwijskundige, rekenspecialist)
- Ki duracion e training REKENEN tin?**
E training REKENEN tin un duracion di 15 ora

Pa mas informacion por tuma contacto cu **drs. Rudolf R. Kelly** pa medio di:
cell 562-2119 / cell 594-9771 / tel. 585-9774.
Email rr_kelly@yahoo.com.



Solo Deporte.....

Basketball

Michel Vorst a sink un 3 pa sink Aruba Jrs Sparks

Tin un situacion in usualmente straño den e division di junioren. Aruba Juniors Sparks a gana tur su 3 weganan contra Esso Heights Impact y Impact a gana tur su weganan contra YMCA, pero YMCA a gana tur su 3 weganan contra Sparks. Den otro palabra ningun a split un decision. Diaranson a muestra cu Sparks lo a kibra e secuencia aki, ora cu nan a bay ariba cu un punto faltando 13 seconde, pero nan no a conta cu Michel Vorst lo a contesta cu un 3-pointer pa sink Aruba Juniors Sparks 58-56 cu apenas 3 seconde mas pa hunga.

E wega no a conta cu gran productividad. E prome quarter a termina empata na 13 y den segundo Sparks a tene YMCA na apenas 7 punto pa cera e prome tempo cu 20-25 pa Sparks. Mientras cu e defensanan a domina, tog Sparks a haya e miho chens ofensivamente, fayando hopi oportunidad facil. E tercer quarter no a demostra cambio, pero YMCA a recupera 15-12 pa sera e diferencia na 35-37.

E wega a keda dicidi literalmente den e ultimo quarter, caminda specialmente Mattijs

Melchior a step-up su wega cu 7 di su 13 puntonan. Na momento cu el a score un lay-up y un tiro liber acerca, el a duna su team Sparks loke tabata muestra un bentaha comodo di 8 punto. Perdida di bala y incapaz pa stroba e entrada riba man robes di Chris Pantophlet a pone e bentaha dirti na nada.

Chris a score 8 di su 17 puntonan den e quarter aki pa trece su team bek den e wega: 55-54. Juan Hernandez a contesta pa Sparks cu un lay-up dificil, pero oportuno cu 13 seconde pa hiba su team ariba 55-56. Mal



defensa di Sparks a laga Michel Vorst habri atrobe, siendo cu 2 minuut prome el a drop un 3-pointer den e comeback di su team. E biaha aki su 3-pointer tabata mas sweet, ya cu el a salba su team di un derota, ya cu Sparks no a yega mas leu cu un tiro di desesperacion di Juan for di un distancia di prome cu halfcourt.

Tabata un final dramático cu a tene e publico riba su pia y San Nicolas tabata di hubilo na e pito final. Juan a termina cu 18 y e refuerso Chris Placencio a yuda bon cu 13 mas. Pa YMCA Michel a score 14 y Eric Richardson 13 punto.

SPARKS – IMPACT 84-82

E siman prome tabatin otro wega dramático di Sparks ora cu nan a gana Esso Heights Impact, pero por poco por a perde si no tabata pa e control y tranquilidad cu Aruba Jrs Sparks a expresa den e minuut final. Despues di un bon comienso di Impact caminda nan a bay ariba 13-19, Sparks a sweep e segundo quarter 30-19 cu un tremendo actuacion di e tag-team di Cedrick Pas cu 10 di su 18 puntonan y Juan Hernandez cu 11 di su 30 puntonan den e quarter aki. Despues di halftime Aruba Jrs a sigui bati cabes di Impact 26-19 pa pone nan bentaha crece te na 69-57.

Den e ultimo quarter e

defensa di Sparks a perde concentracion total y a bira despues un desesperacion pa e coachnan Tom Pietersz y su assistent Richard Brooks. Nan tabata mira con nan bentaha di 12 punto tabata gradualmente cabando na nada. Mientras cu nan defensa a cuminsa pasa awa manera un tarai, nan ofensiva a breakdown aunke cu nan tabata haya bon oportunidad.

E team di coach Gilbert Gario a probecha di e ocasion cu Oscar Benito cu 7 di su 22 puntonan, Quishawn cu 7 di 11 y Fausto Philips cu 9 di su 28 puntonan den e quarter aki y nan tabata na un stap pa logra e victoria, si no tabata pa un cambio den tactica di Aruba Jrs pa habri e wega posicionando su hungadonan den e skinanan y pasando e bala asina cu tin hungado liber.

Pa kibra e control riba e wega no a keda Impact otro sino di foul. Cu un basket di Carlos Montero y 2 di su 4 tironan liber di Anwar Andrews, Sparks a scapa di un derota: 84-82. E homber grandi den Sparks tabata e actual topscorer di e campeonato Juan Hernandez cu 30 punto. Rogier Elgin a yuda bon den score 17 punto, pero a carece concentracion riba su defensa. Pa Impact a destaca ademas Malik Jack cu 13 punto.

MAKELAAR

BUIGEN

OF

BARSTEN

Solo Local.....

Declaracionnan contradictorio a pone polis investiga un simple accidente

Diabierna mainta a drenta informacion di un accidente na Solito. Mesora a dirigi un patruya na e sitio. Na yegada di e patruya a bin compronde cu aki ta trata di un accidente simpel y minimo na Paramira pero debi cu e chauffeurnan ta duna declaracionnan contradictorio a haci cu mester a pidi presencia

di e especialista di trafico na e sitio. Na yegada di e especialista a investiga y a comproba e pruebanan contundente di e accidente. Si un di e chauffeurnan no ta di acuerdo cu e desicion di e especialista. E chauffeur cu no ta di acuerdo ainda por encamina su pasonan legal na corte.



Chauffeur burachi a baha caminda y a bay dal riba mata den Caya Musica



Dialuna madruga a drenta informacion di un accidente cu hende herida na Caya Musica. Mesora a dirigi tanto polis como ambulance na e sitio. Na yegada di e patruya


a bin compronde cu aki ta trata di un accidente unda un chauffeur burachi a baha caminda y a bay dal riba un mata. Debi cu e chauffeur no tabata tin su faha bisti el a bay dal

su cara na e windshield y tabata sangrando. Na yegada di e ambulance nan a atende e victima y a transporte pa hospital.

Solo Local.....

Hunto cu Ibisa

AVB Organizando un torneo di 5 v 5 hunto CONCACAF Women's Football Day



AVB lo participa den e iniciativa di CONCACAF's Women's Football Day riba diasabra, 23 di Mei, 2015 hunto cu IBISA nan lo organiza un torneo 5 v 5 na Compleho Deportivo Franklyn Bareño Diseña pa promove e miembranan di asociacion di CONCACAF pa uni hunto y celebra e dia anual di futbol di damas. Esaki ta e prome iniciativa di e confederacion cu ta focus pa realiza e siguiente objectivonan:

- Genera mas information di futbol di damas na mundo
- Promove y encurasha futbol di damas
- Uni tur miembro di asociacion pa un dia memorable pa futbol di damas

AVB y IBISA ta contento pa host e torneo di 5 v 5 pa promove futbol di damas di tur edad.

Lo hiba palabra Sr. Richard Dijkhoff, President di AVB y Sra. Monique van Embden, Directora di IBISA..

E evento aki ta habri pa damas di tur edad di 6 to 40+ y ta inclui e siguiente elementonan:

- Ceremonia di Apertura y Clausura
- Entregamento di premio
- Zumba breaks
- Programa di Club y team

E torneo di 5 v 5 for CONCACAF Women's Football Day lo tuma lugar na Compleho Deportivo Franklyn Bareño riba diasabra, 23 di Mei 2015.. E evento lo cuminsa for di mas o menos 11or' am. Nos ta recomenda tur participante pa tey pa mas o menos 9or' am pa asina tur individuo por ta registra y prepara pa cuminsa cu e evento.

AVB Y IBISA ta sperando cu e evento aki por bira un exito y ta trahando duro pa haci di e evento aki uno unico y disfrutabel pa un y tur.

Mas informacion encuanto e actividadnan di Women's

Football Day di AVB y IBISA por wordo haya na e siguiente localidadnan.

AVB Website: www.avbaruba.aw
IBISA Website: www.ibisaruba.org
AVB Facebook Page: www.facebook.com/AVBARuba.aw
IBISA Facebook Page: www.facebook.com/IBISA/Aruba.

Esnan interesa pa forma parti di e evento aki como voluntario of participante por tuma contacto cu Mildred Wever na mildredwever@gmail.com of 594-3054.

Poster di Superhero den KINIKI pa MARIA – KAMILIA LACLE



Recientemente Maria-Kamilia Lacle a ricibi un poster regalo di su pagina den Revista KINIKI cu a ser crea pa e artista NICK NUÑEZ di www.skillmatica.com. E titulo di e poster ta "SUPER GIRL".

Addonsito Croes y Nick Nunez a haci entrega di e poster aki na cas di Maria Kamilia.

Mayornan cu ta desea pa

nan yiu tambe por gana un poster asina aki tin cu manda un mensahena info@skillmatica.com cu un splicacion cortico dicon nan yiu ta nan superhero. Esaki mester ta acompaña pa un potret di e yiu.

E yiu mester ta entre e edad di 5 y 12 aña.

Pa mas informacion por bishita y like e facebook page [bynicknunezy](https://www.facebook.com/bynicknunezy) facebook skillmatica.

Boca na Palabra

Elvis Weert



Tur merdia di 1.30 pa 2.15pm

Boca na Palabra.. unda pueblo ta opina

Top 95

Solo Local.....

5° CAMINATA GUBERNAMENTAL

Fecha: diabierna 22 mei 2015
 Start: 5:30 pm
 registracion 4:00 pm
 Ruta: Brandweer – Linear Park – Brandweer
 Prijs: Afl. 5,=

Pa ticket y/of info na Directie Financiën:

Brian 5223330 – Arminda 5223361 – Elynson 5223324

Maruska 5223341 – Bianca 5223345 – Clarissa 5223370

Email: info@finance.gov.aw

Organisa pa Activiteitencommissie Directie Financiën



RUBIANO CARWASH

SITUA DILANTI DILANTI DUSHI LIMPI LAUNDRY
 RIBA CAMINDA GRANDI DI SANTA CRUZ

Tur auto ta wordo laba pa

Afl.25,- sooooo!!!

Laba paden + pafor.
 (Oferta pa tempo limita)

Habri tur dia NONSTOP 8.30AM - 5.30PM
 Pa mas info. por yama: 745-2682 of djis drop in.

BACKHOE & BOBCAT SERVICES

Lanta sushi, rosa tereno, Coba pos
 pa fundeshi, santo y piedra
 Pa mas info yama 593-5050 of 592-1116

TA BENDE
 MINI COOPER 2008
 DEN PERFECTO
 CONDICION
 PA MAS INFO
 YAMA 6401304

R.A.M. Muffler
 Center N.V.
 Balashi 78 - Tel: 5858900

Pa tur problema di muffler pa bon prijs y
 calidad pasa serca nos riba highway di
 balashi

Dialuna - Diabierna
 8:00-12:30 - 1:30-5:00
 Diasabra 8:00-12:00



NEWS ON

NEWS ALERT


'Boletin Extra den bo celular'

**Keda informa di loke sosede
 Abona ta gratis**

Manda un sms na:

Setar - 9595 - Skirbi - News on
 Digicel - 5555 - Skirbi - News on

Solo Local.....



PAROKIA SAN JUAN PABLO II, TANKI LEENDERT, ARUBA

Tanki Leendert 279. Tel: 587-9767 Email: parokiaTL@yahoo.com

Programa celebracion prome aniversario di Parokia San Juan Pablo II

Dialuna, 18 mei 2015

Santo Sacrificio di Misa den bario:
(7.00 pm)

Famia Jacobs na Tanki Flip 20-A

Diamars, 19 mei 2015

Rosario (6.30 pm)

saliendo for di cas di famia Trimon-Figaroa, Tanki Flip 38-A, pa misa y despues sigui pa *Santo Sacrificio di Misa (7.00 pm)*

Diaranson, 20 mei 2015

Santo Sacrificio di Misa den bario:
(7.00 pm)

Famia Lee, Catiri 5-C

Diahuebs, 21 mei 2015

Santo Sacrificio di Misa (6.30 pm)
Specialmente pa muchanan cu a haci of ta bay haci nan prome Santa Comunion

Diabierna, 22 mei 2015

Santo Sacrificio di Misa den bario:
(7.00 pm)

Famia Boekhoudt, Tanki Leendert 247-A

Diasabra, 23 mei 2015

Santo Sacrificio di Misa (6.00 pm) na Spaño

Diadomingo, 24 mei 2015

Santo Sacrificio di Misa (9.00 am)
Celebracion di e prome aniversario di parokia San Juan Pablo II y sigui despues cu un brindis pa tur presente.

"Dios rico den misericordia drama bo bendicion ariba nos" (Juan Pablo II).

CAMPAMENTO NA CENTRO HUBENIL WASHINGTON DEN VAKANTIE GRANDI



Campamento durante vakantie grandi di scol ta nifica campa na Centro Juvenil Washington! Atrobe Centro Juvenil Washington ta organiza su campamento tradicional pa mucha na luna di Juli. E campamentan di CJW ta conoci pa su bon programa: un programa yena cu actividadnan varia manera dos trip p'afo, obra di man, storianan for di Bijbel, wega, kampvuur, talentshow y mas! Diferente actividad lo tin conexion cu e tema special: Prins y Prinsesnan.

Ta trata di dos campamento.

Un pa mucha den e edad di 6 te cu 9 aña entrante dia 6 di Juli te cu dia 10 di Juli 2015.

Un pa mucha den e edad di 10 te cu 12 aña entrante dia 13 di Juli te cu dia 17 di Juli 2015.

Durante tur dos e campamento e muchanan ta keda drumi na CJW di dialuna te cu diabierna. Tur grupo di cinco mucha lo haya un mentor personal. E mentor ey ta guia su grupo chikito, dia y anochi, henter e siman door tur e actividad.

Campamento di Centro Juvenil Washington ta simplemente un tempo

yen di actividad saludabel, cu ambiente y aventura na prijs di Afl. 100,- Si tin mas mucha den un famia, nan por haya descuento. Si e prijs realmente ta un problema por laga sa.

Lugar ta limita! Inscribi entre dia 14 di Mei y dia 18 di Juni. Inscripcion ta via e website di CJW: www.centrojuvenilwashington.org. Bishita e website nobo y haya mas informacion tocante e campamento y con pa inscribi pa e actividad aki.

Pa pregunta bo por tuma contacto cu CJW via: cjwaruba@gmail.com of yama oficina: 5875458.



Solo Local.....

Cabritonan a blokea e caminda na Paradera



Diarazon madruga polisnan a presencia algo unico den e oranan di madruga riba e caminda di Paradera. Nan a bin haya un gran cantidad di cabrito cu a tuma e caminda completamente pa nan te hasta dal nan drumi riba caminda. Despues di un rato cu mas auto a yega e cabritonan a stop y a cuminsa move y asina trafico por a sigui



Ta bende

Chihuahua puppies mix
Pa mas info yama
5922622

Ta huur

1studio
Wc cu baño
Na Savaneta
750,00 inclusief
awa gas cable y
coriente.
1 luna borg
5930474

Ta busca pa huur

Un apartamento comodo pa un pareha
serio
Pa mas informacion yama 6416051

santa cruz carwash

SITUA DILANTI DILANTI DUSHI LIMPI LAUNDRY
RIBA CAMINDA GRANDI DI SANTA CRUZ

**Tur auto ta wordo laba pa
Afl.30,- sooooo!!!**

Laba paden + pafor.
(Oferta pa tempo limita)

Habri tur dia NONSTOP 8.30AM - 5.30PM
Pa mas info. por yama: 745-2682 of djis drop in.

Chauffeur a yega e rotonde Sasaki a perde control y dal den mata



Diadomingo atardi a drenta informacion di un accidente cu hende herida unda un auto lo a bolter na e rotonde Sasaki. Mesora a dirigi tanto polis como ambulance na e sitio. Na yegada di e patruya a bin compronde cu e chauffeur di e Toyota Yaris blanco A15208 biniendo for di nort

cu un velocidad halto, no a logra bira e bocht bon y a bay na banda drechi di caminda subi acera baha bay na e bahada y bay dal riba un mata. Afortunadamente tanto e chauffeur como e dama ocupante ningun di 2 a resulta herida.

TA HUUR

Ta huur apartamento na Papilon
Muebla, incl. awa, gas y tv!
Hopi espacioso y priva pa 1250 fls.
Den un bario hopi trankil!
Por yama na: 737-4500

NOS TA TRAHA, BBQ 250 florin

GRILL TIPO
CYLINDER,

duradero
y MADE IN
ARUBA,

Inf: 5938182



Orange matras

Olijfistraat 23- D

Tel: 588-7468 / 592-3344 Nos tin tur
size di matras y box y tambe nos
ta fura matras- box -set di sala-
comedor-TV chair. Pa bo ta drumi
dushi

Resultado di number:**Dialuna 18 Mei Merdia**

Catochi
3173
8543
6194

Big 4
5631

Zodiac
7203 – Acuario

XXXXXXXXXX
XXXXXXX
XXXXXXXXXXXX
XXXXXXXXXXXX

Dialuna 18 Mei Anochi

Catochi
9269
3921
2128

Big 4
9516

Zodiac
3659 – Cancer

Mini Mega

Lotto di dia
20 – 10 – 03 – 11 – 21

Corsou
5602
8050
6209

Diario
6476
5128
9978

Super 4
8803

4 skina DIA
XXXXXXXXXX
4 Skina Cur
XXXXXXXXXXXX

PUEBLO A HAÑA SU PEN BEK

Pa kualkier informacion
solodipueblo@gmail.com

of
585-9500

Confirma registracion di Aruba Bank Walk & Run 2015

**Mester pasa IBISA pa busca Dri-Fit Shirt
y BIB**



Aruba Bank ta anuncia cu e "online registration" riba e website www.arubabank.com/walk-and-run pa participa na e di 11 edicion di e Aruba Bank Walk & Run, a yega su cantidad maximo di participante. Tur cupo ta yen.

Aruba Bank ta pidi pa tur persona cu a registra pasa confirma nan participacion na oficina di IBISA riba dialuna, 18 di Mei of diamars 19 di Mei entre 7:30am y 4:00pm. Confirma bo registracion cu bo pago y ricibi bo dri-fit shirt, armband pa bo celular y BIB y chip pa registra tempo.

Aruba Bank conhuntamente cu co-sponsor Subway ta contento di un biaha mas por ta anfitrión di e Walk & Run mas popular di Aruba, cu cuater dia y

cuater diferente ruta pa haci ehercicio y disfruta di un bon ambiente. Pa Aruba Bank semper ta un placer pa aporta na un comunidad mas activo y saludabel.

E fecha y rutan pa e aña aki: riba e prome dia, 26 di Mei, lo sali for di Aruba Bank Drive Thru Center na Paradera. Di dos dia, 27 di Mei lo sali for di Subway Palm Beach. E di tres dia, dia 28 di Mei lo sali for di Aruba Bank San Nicolas y riba e di cuater dia, 29 di Mei, lo sali for di e oficina principal di Aruba Bank na Camacuri.

Lo tin diferente update, tips pa participacion y rifa pa e Aruba Bank Walk & Run 2015, pues keda pendiente di tur desaroyo riba e pagina di Facebook di Aruba Bank N.V. #ArubaBank90Years.

BOTICANAN:

Maria	585-8145
Di Servicio Noord	586-4606
Seroe Preto	584-4833
Fergusonstraat	583-0620
Kibrahacha NV	582-2007
Oduber NV	582-1780
Paradera	588-6638
Santa Cruz	585-6890
San Lucas	584-4830
San Nicolas	584-5712
Santa Anna	586-0027
Trupial	582-8671
Eagle	587-9011
4 Centro Medico	584-5779
Aloe	584-4606
Central NV	585-1965
Dakota NV	588-7364
Del Pueblo	582-1253

POLIS:

Orañestad	100
San Nicolas	104
Sta. Cruz	105
Noord	107
Tip-line	11141
Brandweer/Ambulance	911
Guardacosta	913
Seguridad Nacional	11911
Hospital	527-4000
Centro Medico	524-8833
Setar storing	117
Web Storing	525-4600
Elmar storing	523-7147
Agencia Funeral:	
The Olive Tree	584-8888
Ad Patres	584-2299
Aurora	588-6699
Mementomori	582-2222

Fundacion:

Cas	584-2050
Fada	583-2999
F A V I	582-5051
Famia Planea	588-9591
Autismo Aruba	588-1179
Pa Hende Muherr	583-5400
Pa Hubentud	588-6138
Bloedbank Aruba	587-4260
Solo di Pueblo	585-9500
Canal 22	585-9500
Tip pa redaccion	592-6895

Botica na Warda

Yama pa informacion na
Horacio Oduber Hospital:
527-4000

Dokter na Warda

Oracion di Dia

O Spirito Santo di Sabiduria, yuda nos
busca Dios haci'e centro di nos bida.

Dirigi henter nos bida n'E, asina cu nos
por bira un hende cu ta stima Dios y
hende pa medio di Cristo nos Señor Ame

Con pa
abona na
Solo di
Pueblo?

Facil...

Yama nos
oficina na 585-
9500 y nos
lo entrega
bo corant
tur mainta
tempran den
bo porta di cas.

Costo di
Abono: Afl.
35.00 pa luna



D'-Licious Live
4 YEARS
CELEBRATION PARTY

SA^TURDAY MAY 30 2015

AT PASEO BALLROOM PASEO HERENCIA
TIME: 9PM - 3AM

V.V.K 20 DOLLAR AT DOOR AFL 45,-
FOR V.I.P CALL +297 630 3645
SPECIAL FL. 25

D'-LICIOUS - MC OZ
& COSA BUENA
FROM CURACAO
DOLCE BAND
ESTA DUSHI TA BAILA...

Aruba Softball Bond hunto cu SV Royal Power y HEINEKEN ta anuncia



Champ of the Champs 2015

"The ninth Edition" 29 Juni pa 5 di Juli 2015



Teamnan cu ya a confirma: Destroyers y Suffisant Eagles (Curaçao), Farah, Los Francos y Cabayeros De Merida (Venezuela), Los Fuertes y Cristobal (Republica Dominicana), dos sorpresa Canada y USA. Keda pendiente!!!!!!

TRAPPERS CLUB

- Fiesta, reunion, ricibimento, bruid, fiesta grandi o chikito.
- Workshop, reunion, reunion deportivo, encuentranan di iglesia.
 - Area openlucht ta acomoda 1000 persona
 - 2 Sala cu 3 airco cu ta acomoda te cu 400 persona
- Area openlucht cu stage, pa festival, iglesia, fiesta familiar
- Remodel'a Situa pariba di Botica Central, pabao di veld di Rockets @ Sta Cruz 748-8280

NO ENFRENTA CANCER DI PECHO BO SO

Adress: Sabana Blanco 8 Tel: 588-9999



Solo Local.....

Lixandra Bello, Hakeem Lowe, Micheal Noel, Jourdé Klabér, Samuel Jones y Franjessca Lopes a sali Best Fighters na e di 6 Gold Coast Taekwondo Cup 2015

Diasabra ultimo a tuma lugar e di 6 Gold Coast Taekwondo Cup 2015 na Centro di Bario Brazil. Tabata tin 54 participante for di 8 scol di Taekwondo y nan a bringa pa bira e mihor bringadornan den cada categoria. E 4 refereeenan internacional tabata tin e tarea di saca nan mihor bringadornan di e campeonato na base di locual e atleta a demostra. Aki tin masha hopi cos ta hunga un rol, manera cuanto biaha nan a bringa y contra kende nan a bringa. Den cua categoria nan a bringa, tecnicanan cu a wordo usa na e campeonato. Tur esakinan e refereeenan ta tene cuenta cune pa asina nan saca nan mihor bringadornan den cada categoria.

Den e categoria di mucha muher infantil te cu 11 aña a scoge Lixandra Bello di Brazil Taekwondo Stichting. Den e categoria di mucha homber infantil te cu 11 aña a scoge Samuel Jones di San Nicolas Taekwondo Center. Den e categoria di mucha homber cadet di 12 pa 14 aña a scoge Hakeem Lowe di Brazil Taekwondo Stichting. Den e categoria di mucha muher cadet di 12 pa 14 aña a scoge Franjessca Lopes di Crotalus Taekwondo Center. Den e categoria di mucha homber junior di 15 pa 17 aña a scoge Jourdé Klabér di Brazil Taekwondo Stichting. Den e categoria di mucha homber senior di 18 aña ariba a scoge Micheal Noel di Brazil Taekwondo Stichting.

Manera a splica parti ariba e refereeenan tin un tarea tin biaha hopi dificil na unda cu nan ta

delibera den nan seno pa asina scoge nan mihor

bringadornan di e dia. Un pabien ta bay na tur e

mihor bringadornan di e di 6 Gold Coast Taekwondo

Cup 2015 di parti di Vito Croes di Gold Coast.



Solo Local.....

“Resultado di e prome diadomingo di campeonato 2015 di FLMSA”

Diadomingo 17 di Mei 2015 bao di auspicio di Federacion Liga Mayor di Softbal Arubano riba e tereno di Aruba Juniors na Socotoro a duna inicio di e di diesun campeonato di softbal Liga Mayor.

E campeonato ta ser dedica na Srs. Ben Coffie, Humphrey José y Ricardo Odor.

Pa 09:30 or di mainta a duna inicio na e prome partido di dia. Aki ta trata un partido amistoso di Liga 60+. Boomerang Ildo's Lotery como visitante a enfrente Bambino's Florsheim yenando e programma di dia. Tawata un partido yen di emoción na unda pa cinco inning largo ningún di e dos ekiponan a baha cabez pa otro y no a permiti careda. Den cabez di inning no. 6 Boomerang Ildo's Lot. ta score un careda poniendo e partido 1 pa 0 na nan favor. Pero den bom di inning no. 6 Bambino's Florsheim ta empata e partido y hasta tabata na punto pa gana e partido, pero nan no ta ser permiti pa gana e partido. E partido ta termina empata y por bisa cu tabata un tremendo partido efectua door di e 60+. Tabata tambe un duelo di pitcheo entre George Pontilius y Kenneth Alias. Boomerang Ildo' Lot. a bati 4 hit mientras cu Bambino's Florsheim a bati 6 hit.

E prome partido di campeonato 2015 a bay entre San Nicolas Movers como ekipo bishitante y Bambino's Florsheim como ekipo di cas. Den bom di inning no. 1 Bambino's Florsheim ta reacciona brabo y ta score na 4 ocasion, poniendo e partido 4 pa 0 na nan favor. Den bom di inning no. 2 Bambino's Florsheim ta bolbe score 1 careda, caminda e partido ta bira

5 pa 0. Den bom di inning no. 5 atrobe Bambino's Florsheim ta score otro careda na unda e score ta bira 6 pa 0. Den cabez di inning no. 6 San Nicolas Movers ta score un careda poniendo e score 6 pa 1 na favor di Bambino's Florsheim. Pa motivo di tempo limita chief umpire ta termina e partido cu score final 6 pa 1 na favor di Bambino's Florsheim riba San Nicolas Movers. Bambino's Florsheim tabata 6 careda, a bati 11 hit y a comete 2 error. San Nicolas Movers tabata 1 careda, a bati 8 hit y a comete 1 error. Mihor bateadornan pa Bambino's Florsheim tabata Robert Tromp y Marc Amoroso cu 2 hit den 3 turno. Mientras pa San Nicolas Movers Leonardo Carti cu 2 hit den 3 turno y Lloyd Adams cu 1 hit den 2 turno. Pitcher ganador pa Bambino's Florsheim tabata Ronny Donata mientras Pedro Vrolijk ta carga e derota pa San Nicolas Movers.

Tabata momento pa a presenta e clubmiembronan y e publico presente e tres personanan na kende e campeonato 2015 ta ser dedica. Tur tres personanan esta Srs. Ben Coffie, Humphrey José y Ricardo Odor, den compañía di nan famia a glomera riba tereno pa asina ser presenta. Despues di a scucha e notanan glorioso di nos himno nacional, a duna inicio na e campeonato oficial. Tur tres persona lo ricibi na respectivo honor riba e ultimo dia di campeonato 2015.

E di dos partido di dia no a tuma lugar debi cu Jani's Bulldozer no por a yega tereno cu 9 hungador y San Nicolas Sluggers ta gana e partido pa via di Forfeit. Score final 7 pa 0 na favor di San Nicolas

Sluggers riba Jani's Bulldozer.

E di tres partido di dia pa campeonato 2015 a bay entre Racketeers MNO Vervat como visitante enfrentando Budlight Braves como equipo di cas. Racketeers a sali brabo den e prome tres inning na unda nan ta score 4 careda den e prome inning, 3 careda den inning no. 2 y 2 careda den inning no. 3 poniendo e score comodamente 9 pa 0 na nan favor. Budlight Braves ta score 1 careda den bom di inning no. 4. Den cabez di inning no. 6 Racketeers ta amplia e score cu 1 careda cu e score di 10 pa 1 na favor di Racketeers MNO Vervat riba Budlight Braves. Racketeers a score 10 careda. A bati 10 hit y a comete 2 error. Mientras Budlight Braves a score 1 careda, a bati 6 hit y a comete 6 error. Mihor bateadornan pa Racketeers tabata Clay Shipley y Lionel Bikker cu 2 hit den 4 turno. Clay a bati un homerun den tereno. Pa Budlight Humphrey Fingal cu 2 hit den 3 turno. Pitcher ganador Mario Bomba pa Racketeers MNO Vervat, mientras cu Tico Kelly a carga e derota pa Budlight Braves. Ambos pitcher a bay full e ruta.

E ultimo partido di dia na inicio di campeonato 2015 a bay entre Deco's Classics como visitante enfrentando Aruba Juniors LG/General Store como equipo di cas. Un partido hopi bon balancea caminda Aruba Juniors ta score nan prome careda den bom di inning no. 2, pero Deco's Classics ta empata e partido den cabez di inning no. 3. Aruba Jrs den bom di inning no. 3 ta score 1 careda mas haciendo e score 2 pa 1 na nan favor.

Den cabez di inning no. 4 Deco's Classics ta bolbe empata e partido. Ambos pitcher ta hala mara na unda Aruba Jrs den bom di inning no. 6 ta score 1 careda na unda e score ta bira 3 pa 2 na favor di Aruba Jrs. Aruba Jrs no ta permiti Deco's Classics score careda den cabez di inning no. 7. Score final 3 pa 2, un tremendo partido, Aruba Jrs riba Deco's Classics. Aruba Jrs a score 3 careda, a bati 9 hit y a comete 2 error. Deco's Classics a score 2 careda, a bati 6 hit y a comete 4 error. Mihor bateador pa Aruba Jrs ta den persona di Feliz Mateo y Marcial Loopstok, ambos di mil punto cu 2 hit den 2 turno. Pa Deco's Classics tabata Emiliano Thiel cu 2 hit den 3 turno. Pitcher ganador pa Aruba Juniors LG/General Store tabata Robby Arambatsiz, mientras cu Ubaldo Werleman a bay cas cu e derota pa Deco's Classics.

Asina Federacion Liga Mayor di Softbal Arubano por wak atras riba un bon apertura di campeonato 2015 cu tremendo partidonan di softbal, na unda clubmiembronan a cuminsa duna lo mihor cu ta posibel pa locual ta trata e aña aki. Tabatin un tremendo ambiente di softbal na unda tambe DJ Kock a sa di entretene e publico presente.

Tabatin un bon cushina cu cumindanan sabroso. E bar tabata bou di direccion di directiva di FLMSA y a brinda e publico y e clubmiembronan presente lo mihor cu ta posibel. Un danki ta bay pa e cuerpo di umpires bow di direccion di Mito van der Biezen. Tambe danki ta bay pa Sra. Mila Dirksz cu e aña aki atrobe a cuminsa haci su trabou dunando su aporte na nos softbal Liga Mayor.

NO ENFRENTA CANCER DI PECHO BO SO

BREAST CANCER SUPPORT GROUP
Mary-Joan

Adress: Sabana Blanco 8
Tel: 588-9999

Solo Obituario.....



22 mei ta fiesta di Santa Rita di Cascia

Dia 22 di Mei ta fiesta di Santa Rita di Cascia. Pesey pueblo di Aruba ta cordialmente invita pa un Triduo dia nan 19-20-21 di Mei pa 7.30 P.M. na Koyari i pa celebra hunto cu nos e fiesta dia 22 di mei pa 7.30 P.M. na Koyari. Bin i conoce su bida. Caso nan imposibel ta bira posibel cu e interseccion di Santa Rita di Cascia.



Gilbert Maduro
Brazil 159
Aruba

2 Hende levemente herida den un accidente na e rotonde chikito banda di Texaco Sasaki



Diamars atardi a drenta informacion di un accidente cu hende herida na e rotonde chikito banda

di Texaco Sasaki. Mesora a dirigi tanto polis como ambulance na e sitio. Na yegada di e patrulla a bin compronde cu aki ta trata di un accidente unda e pick-up no a duna preferencia na e auto blanco cu tabata riba e rotonde y a bay dal riba dje. Debi na e impacto tanto e chauffeur como e ocupante tabata keha di dolor. Na yegada di e ambulance nan a atende e victimanan y a transporta nan pa hospital.



Comunidad Catolico Misioneronan di Hesus
Aruba

tin como **Cordinador Spiritual Pastor Daniel Szpila**

Henter pueblo di Aruba ta cordialmente invita pa un anochi di **ALABANSA na DIOS** Bin eksperencia e **PODER** di **DIOS** con **DIOS** ta **SANA, KURA y LIBERA TUR** esnan cu ta **KERE** den

djÉ pa medio di **FE** den nos **SEÑOR HESU KRISTU**

Dia: Diamars 19 Mei 2015

Ora: 7:30-9:30pm

Luga: Jacintha Kleuterschool

Adres: Patiastraat # 19 Dakota

Skucha e Misioneronan na **BLUE FM 107.5** tur **DIASABRA MAINTA** di: 6:00 - 8:00am den e programa: **"UN MAINTA GLORIOSO"** presenta pa **MDJ Vito Geerman**

Galatanan 5

* 22 Loke Spiritu di Dios ta Generá den hende ta Amor, Goso, Pas, Pasenshi, Amabilidad, Bondat, Fieldat, Humildat, i Dominio Propio E kosnan ei No ta bai Kontra Ningun Lei.

Invitacion pa Tridium, Vigilia y Misa Solem di Pentecoste.

Pastoor Daniel Szpila di parokia Birgen di Fatima Dakota, ta invita tur parokiano, debotonan y pueblo di Aruba en general pa asisti na e tridium na honor di Spirito Santo, cu ta tuma lugar Diahuebs 21, Diabierna 22 y Diasabra 23 di Mei pa 6.15 di atardi, sigi pa un Santo Sacrificio di Misa na Misa Birgen di Fatima na Dakota. Diasabra despues di Misa lo tin vigilia den Kapel di Santisimo. Kapel ta keda habri henter anochi y Diadomingo henter dia. Misa Solem di Pentecoste lo ta Diadomingo 24 di Mei pa 8'or di mainta.

Boso presencia ta altamente aprecia.

The art of Engraving NV
Engravings on marble - granite- mirrors-
wine glass
wood-metal-designs
photo ceramic and much mor
Rooi Afo 33c Paradera
TEL:5884433/7413449/5934757
email: theartofengraving@hotmail.com

Solodipueblo@gmail.com....

Brazil Taekwondo Stichting a sali best team na e di 6 Gold Coast Taekwondo Cup 2015

Diasabra ultimo Centro di Bario Brazil tabata basta yen cu fanaticonan di Taekwondo kendenan a bin pa apoya nan atletanan. Brazil Taekwondo Stichting no tabata tina facil e biaha aki y mester a bringa pa asina logra gana e Best Team Cup di e di 6 Gold Coast Taekwondo Cup 2015.

Clifford Rasmijn a scoge su 7 atletanan pa bringa pa e best team cup y a duna su fruto cu e team di Train Hard Fight Smart pa asina por a logra e di 6 Best Team Cup pa e aña aki. Clifford Rasmijn ta sumamente contento cu su di 6 copa gana pa e aña aki caba y ainda falta mas campeonatonan pa bringa. Rasheed Lowe tabata un di e atletanan di e team cu a perde su pelea contra di su colega di TK5, Samuel Jones a para e careda di Rasheed Lowe y a pone baha for di veld cu lagrima. Aki no tin niun excuse pa e perdida. Alberto Klabér a bay busca Samuel Jones pa bin participa na e campeonato y e no kier a bin. Alberto Klabér a bisa Master Eric Barry y Master Eric Barry a bisa cu e ta bay buske, pasobra e ta bringa awe y despues di 20 minuut Eric Barry a presenta cu Samuel Jones kende no kier a participa.

Rasheed Lowe ta e unico atleta di e team di 7 cu a perde su pelea mientras cu tur e otro atletanan a gana nan peleanan cualnan ta:

Danon Delamore, Adam Liendo, Justin Arrindell, Záyhon Klabér, Jourdé Klabér y Hakeem Lowe. Brazil Taekwondo Stichting a score cu un total di 46 punto.

